

9


CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE

SEP 15 1933

By Exchange from Library of Congress

T 5351/3502





Very faint, illegible text, possibly bleed-through from the reverse side of the page. The characters are too light to be accurately transcribed.

誠齋集第七十

廬陵

楊萬里

廷秀



奏對劄子

秘書省自劾狀

臣契勘本朝之制日曆之書必有有序一篇舊例委秘書監少撰述如高宗皇帝日曆序篇係權監修官參知政事龔茂良從舊例委秘書監李燾撰述今來至尊聖壽皇帝日曆告成祈有序篇係前權監修官參知政事王藺照例委臣撰述修寫入冊近蒙聖旨改差左丞相留正監修臣亦皇上作序篇訖

而今月初二日左丞相留正別委官撰序篇一首
送下本省臣即時奉行今日下寫換仍將臣所撰序
篇即行毀去臣聞之蔡墨曰物有其官、修其方一
日失職則死及之今也撰序篇者臣之職也而文辭
不足采錄可謂失職矣仲尼曰守道不如守官今也
撰序篇者臣之官也他官乃復改撰臣可謂不得守
其官矣臣之二罪何敢自恕臣愚欲望 聖慈將臣
罷斥重行謫罰以為有司不稱職者之戒乃臣舊有
肺氣痰嗽之疾遇秋復發見請朝假將理所有秘書
監及進讀官不可闕人亦乞別差官施行臣謹退私

室待罪恭俟 威命不勝惶懼震越之至

奏報狀

臣近以撰述日曆序篇不稱職具奏自劾今月初五
日巳時伏准御封退還奏狀仰見 陛下眷戀^憐之隆
赦其罪而不論臣啣感之極至于涕零重念臣愚慙
自信遂至輕發揆之進退豈容無罪難以復玷朝列
欲望 陛下曲垂矜念保全孤遠之跡特賜眷旨
與臣宮觀差遣兼臣見以痰疾在假竊恐有廢職業
益重過尤伏乞 聖慈早賜處分臣干冒天威不勝
隕越俟罪之至

辭免著廷轉官劄子

某伏觀今月某日準尚書省劄子三省同奉聖旨
以至尊壽皇聖帝日曆書成經修經進官特轉一
官減二年曆勘者某聞命之頃大懼弗堪伏念某學
不名家文非華國晚點漢渠之長適逢虞典之成上
則繫冢司之提綱下則勤著逢之載筆蓋因人而成
事難同日而固功矧賜帛賜金既拜嘉于介賚若懋
賞故孤奉于明恩再念某屬常貢需頭之章句
列以上氣之疾懇祈祠祿未賜帝俞方將少需且
復申告儻受爵而不遜必貪位而疾顛須至其申尚

書省欲望 鈞慈侍賜敷奏某轉一官減二年磨勘

指揮日下追寢庶安愚分從鈞旨施行

薦劉起晦章燮堪充館學之任

奉狀

準 令諸監司到所部半年或因赴

闕奏事許舉部內所知二人

右臣仰惟 陛下龍飛之初首軫孤遠之跡召從外
郡擢長書林臣以坐糜為慙冀從外補 陛下畀以
倍郡之漕寄寵以延閣之隆名臨遣丁寧恩意倍極
臣朝夕凜凜思報萬分惟有薦進人才可以裨益

聖世在法監司到所部半年許舉所知二人輒緣公
論冒瀆聽聞臣竊見永直卽監建康權貨務到起晦
前秘書省正字劉朔之子名又之後能以儒科自奮
其人氣質端凝識度宏遠外若柔巽內則剛方初為
福州福清縣主簿帥臣趙汝愚深器重之今為務場
責重事繁從察而辨知建康府章森亦嘗露章薦之
若置之館學必能上裨國論文林卽監准西總領所
西酒庫章燮操行甚修學問甚正蚤魁里選高擢省
闈其于文詞尤工牋奏不越駢儷四六之體而行以
古雅議論之大有前輩風至于吏能尤復精敏無為

軍與和州嘗爭一鎮稅場務兩郡太守移書請訖却
而不視卒畢所應得之郡建康嘗有大家奪細民田
漕臣林旣委以裁決竟還細民前准西總領張抑嘗
以賢業薦之于 陛下登極之初此亦館學之奇才
也此二事者臣生平行 天下寡見其比不敢蹈臧
文仲竊位之罪恐復詒孟軻蔽賢之請謹冒萬死以
聞焉惟 陛下裁擇謹錄奏聞伏候 勅旨

初七日
發奏

紹興二
年五月

薦舉吳師尹廖侯徐文君毛宓鮑信叔政
績奏狀

臣聞人臣之報國忠莫大于薦士而捐軀為下臣嘗
伏讀淳熙十六年十一月四日陛下制詔以臣寮
建請令監司見有賢才可用者熟試精察告于上臣
到任以來所部九郡官吏至重衆非他郡比其間人
才亦必不少今以臣置司之地及臣清行之州或試
以事功或採之衆論得數人焉請為陛下補之臣
伏見朝奉大夫江東轉運司主管文字吳師尹有賀
直之資有廉茂之行試中大法嘗為大理評事次讞
平恕人無異詞其在本司凡財賦之職皆能鈞校其
源流而吏不能欺凡民訟諸事皆能灼見其情實而

民無不服至于饒信等州秋苗夏稅民間輸納往往
久倒收糜費等錢太多師尹首請蠲減又如江東州
縣民間牛死官司不受納筋角而勒抑重納價錢民
間苦之師尹首請禁戢九郡之民皆以為便每以儒
飾吏以經傳法允謂今日之實才朝請即通判建康
府事學優行副才膽氣剝名廖佚吏事通明民情練
達臣初到任暫攝府事聽其贊畫細大合宜直而不
表襮以近名通而不苛察以窮物項寄居會稽之日
常平使者朱熹奉壽皇之詔以採荒延士夫之賢
而博議首選而分之措置有方民無流殍及通

判撫州前常平使者皆以廉吏政績薦之于朝未
蒙擢用允為今日之遺才朝請即通州廣德軍徐之
著裕于才力而養以和精于吏事而濟以恕倅而貳
小邦力贊其長期于集事而不侵郡權驩以盡心而
不矜以功自 臣沈樞召去攝事數月適當旱傷之
後蠲效無餘凡揀荒之政等舉節用之策必講如過
客之 贖經常之燕集一切罷去官吏軍兵之廩給
賴以無 民譽甚美惟恐其去承議即添差通判池
州毛宓經術醇儒師授鄉黨頃備朝列嘗為大理司
直繼因補外添貳池陽自到任以來廉仁之譽洽于

衆口近奉憲司之檄疏決諸邑囚徒乃能盡心疚懷
探索情偽一時疑獄有若無主死人吳三而濫及無
辜者有若醉人傳百乙自經而誣人逼死者有若胡
大被劫不獲正賊而執平人者宓至之日一問而得
其情即時釋放其他滯囚從宜決遣曾不旬時其在
獄者 追 未至者放三百八十有六人莫不驩呼
而去承議即知太平州繁昌縣鮑信叔吏才高于一
州治行冠于諸邑到任之初首減罷吏員以除民之
蠹整齊簿書以立民之經樽節浮費以惜民之財邑
小民寡而困于稅務刀錐之譏征信叔乃為稅務抱

認稅額而盡捐之夏稅民間輸納病于收取糜費之
過數信叔乃立為至薄之則例而痛減之去歲本縣
少旱今春民頗艱食信叔乃以樽節用度之餘粟擇其
貧不能糴者不收民錢而賑濟之繁昌累政不治一
邑敗壞今茲遂為壯縣此五人者臣皆精試而熟察
之矣欲望 聖慈特賜甄擢以為一路官吏之勸異
時趨事赴功必有可觀

紹熙二年九月
十七日發奏

薦舉徐木袁采朱元之楊祖政績奏狀
臣屬者祇奉 明詔問因上饒因之得以循行郡邑
自當塗歷宣城道新安至上饒歸塗經鄱湯諸邑南

康池陽殆徧一路九郡之境用謝民氓之休戚廉察
守令之能否得賢令四人敬以聞焉伏見朝散郎知
饒州樂平縣徐木上庠名士文學有聲而能諳練民
事秉心明恕治行尤異初知當陽撥煩無滯理財有
方民不加賦而官府充羨及來樂平豈悌之教為一
路縣宰之冠臣不識其人而聞其政近過樂平其人
已秩滿上印而去採之民言去思方深有近古循吏
之風奉議郎知徽州婺源縣袁采三衢儒先州里稱
賢操勵堅正顧行清苦三作壯縣皆騰最聲及來婺
源察見徽之諸邑其敝之尤者專以糾法為理財之

源流廣開告訐之門每興羅織之獄大者誣曾參以
殺人次者謗陳平之帷簿至其小者不可彈舉首摘
其敝白之監司太守請痛行禁止自是諸邑之民皆
得安堵承事即知信代州弋陽縣朱元之兩學知名
歷試能官下如土夫子求過客餽贖經當道集並分
俸以應樽節浮費洗手奉職不以一錢假人至于校
曹之供諸軍之餉官吏兵人之廩固不給足催科有
法兩稅不愆民樂其輸不擾而整聽訟錄囚乞民自
以不奉議即知建康府江寧縣表揚祖惠而能斷
明而不苟頃為婺幕寮已著能稱今為留都郭內

之宰事之繁夥視他邑十之公廉自持人不敢
干之以私至于剖析民訟庭無留事拊摩鰥寡固不
得職行且辭審一邑之民惟恐其去願借留者不翅
百十人茲四人者臣自到部即聞其治行俟之兩年
不變益賢觀之甚久察之甚詳委有績用不可掩抑
如蒙聖慈特賜旌擢異時必有可觀後或不如所

舉臣干坐謬舉之罰

紹熙三年三月
十三日發奏

薦舉王自中曹集徐元德政績同安撫司

奏狀

臣等日以乏使孤奉明恩界付一路條察之寄其

惠綏黎庶乃宣布君^仁恪勤職守乃凡葉常事至于報
天謝生之大願惟有推賢揚善之一節臣等凡職各
以踰年旋觀列郡之太守治中得其尤穎不以上聞
是蔽賢不祥之實也伏見朝奉郎知信州王自中文
詞俊發才氣高秀初以王藺薦見^下壽皇論天下事
如指諸掌風生穎脫有過人者^{壽皇}以為奇才出
典返郡志心畢力峙糧訓兵常若寇至今典上饒除
苛尚寬一洗積弊如諸邑逋負州家錢弊為緡者三
千餘萬上供失時郡用告匱前後太守往^下劾一二
縣令黜諸邑胥徒以塞已責而不贍如初也自中之

既至與諸邑宰握手

試寬為之期而薄為之取

不遣一卒不移一櫬率以手書致其勤懇縣令至有
感泣者自是諸邑吏民翕然感之輸租湊集遂以無
乏朝散郎知南康軍曾集曾出名家躬服寒素少從
名儒張栻講學以為士君子之學不過一箇實字再
立朝列皆監六部門不事干謁不肯附麗往^下皆以
為次其政一遵朱熹之舊如請于^下朝乞均減星子
一縣預買如轍郡廩以教育白鹿書院生徒皆朱熹
欲為而未及盡行者南康者地福民貧每歲流徙樂
郊者不絕今皆安集無有愁嘆宣教即添差通判微

州徐元德浙東名儒朝列正士持論鯁直特立不阿
出貳名乃員外置凡州郡迎輅之數厨傳之儀皆
無故實出于創為縣最者如挈携囊衣則有僦僕之
幣如下禧宴集則有折俎之幣率為緡錢者數百元
德問之故府咸曰無之則舉而付之郡庠以為養士
之費于是民皆知其廉潔江東一路訟牒微為尤劇
民訟至諸部使者之遲皆以委之審決元德一、翻
閱文案至忘寢食吏牘山積迎刃而解于是民皆稱
其明斷此三人者一路守倅之選欲望 聖慈特賜
旌擢以為良吏愛民之勸以收異時待用之才後或

不如所舉臣等甘坐謬舉之罰

紹熙三年四月初八日奏

薦舉眉州布衣程佺應賢良方正科同安

撫司奏狀

紹熙三年四月二十五日准 行在尚書禮部符速
到紹熙三年四月二十五日制可今歲科場其令尚
書侍郎兩省諫議大夫以上御史中丞學士侍制各
舉言良方正能直言極諫一人守臣監司亦許解送
仍且詞業繳進以聞者

右臣等伏覩眉州布衣程佺經明行修通達國體其
探索王霸有仲舒師友淵源之淳其議論古今得蘇

門父子治亂之事^字淳熙十三年間嘗游都下有所著
帝王君臣論及時務利害策凡五十篇皆造於義理
切于事機非腐儒文士之空言朝士爭傳為之紙貴
未幾歸蜀計其年齒今亦五十歲若遂淪沒恐他
日聖世有遺賢之恨今保舉程佺堪試賢良方正
能直言極諫一人謹錄奏聞所有本人詞業乞從
朝廷行下本貫眉州宣取正本伏候 勅旨
紹熙二年四月
二十六
日發奏

乞罷江南州軍鐵會子奏議

臣伏觀

朝廷近降揮指措置行使鐵錢會子令准

上屯戍官兵月給食錢除舊用行在會子者並聽依
舊量度每歲支屯戍官兵諸軍鐵錢以為權貨務入
納分款臣照得屯戍官兵每旬支遣已有立定錢糧
會子分数難以更改所有准上戍守官兵支遣錢會
從已降指揮並聽仍舊其合支見錢一歲止有一千
二萬餘貫准西州軍連年朝廷科降應副薦司支
遣錢三十七萬餘貫係鐵錢并行在鐵錢會子中平
起發內鐵一十三萬餘貫就撥支使已是足用若將
折降鐵錢會子于權貨務算清季實別無項目可以
支遣在竊詳朝廷支降新印麥子止為兩淮鐵錢

艱于行用今來一例令江南八州軍滾同流轉非惟
先有折閱之患設或通用不行其間屯駐大軍田處
軍民之情便見擾。此之兩淮事體尤重伏自此令
一下軍民之心皆惶惑蓋見錢之典會子古者母子
相權之遺意也今之錢幣其母有二江南之銅錢淮
上之鐵錢母也其子有二行在會子銅錢之子也母
子不相離然後錢會相為用會子之法曰會子並銅
見錢行使今新會子之法曰每貫並准鐵錢七百七
十足行使又曰其新交子止許兩淮及沿江八郡界
內公私流轉行使且會子所以流通者與錢相為兌

換也今新會子每貫准鐵錢七百七十足則明然為
鐵錢之會子而非銅錢之會子矣淮上用鐵錢用新
會子矣則有會子斯有見錢可兌矣是母子不相離
也江南禁鐵錢南行新會子不短軍民持此會子而
兌于市欲兌銅錢子則無一錢之可兌也有會子而
無錢可兌是母之子也是交子獨行而無見錢以並
行也一錢兩錢之物十錢五錢之器交易何自而行
商旅何自而通乎又兩淮兌發會子三年而江南無
兌發之命江南官司以新會子發納左帑內帑左帑
內帑肯受乎左帑內帑萬一不受則百姓之輸官物

州縣亦不受矣州縣不受則是新會子公私無用上
下不受而使鎮江建康兩稅入納雖入納百萬而行使不通
不知將何用也若止于用之于軍人之支遣百姓之
交易其肯受乎萬一有受有不受之交此喧爭之
所從起而紛紜之所從生也臣非不知時暫兼攝總
司之職奉承 朝廷之命可以免目前方命之罪然
萬鏐赦揭榜及交收新會子他日正官到任將新會
子與軍人支遣民旅交易之際倘有如前所謂喧爭
紛紜之說則 朝廷推其所從皆臣阿諛順旨交收
會子之罪雖斬臣以塞責于國何益哉淮民兩年已

被揀擇鐵錢之擾怨咨之言有不可言今幸可寬揀
錢之禁以安淮民若江南復欲力行鐵錢會子是江
南之民又將不勝其擾也臣欲乞 聖
聖慈洞察經久之利害先事而改患猶可銷事至而
收則無及矣緣有此利害不敢鏐板曉諭若將來降
到會子亦不敢交收此事必出 聖斷力賜寢罷江
南八州行使鐵錢會子指揮庶幾沿江軍民得安以
安靖須至奏聞者

貼黃

經傳聞乾道初間常降鐵錢會子于兩淮軍民都

不行使一兩日間 朝廷盡行收止今來竊恐復
蹈前轍乞下有司檢點寢罷工作指揮

辭免召命公劄

某今月初四日准尚書省劄子三省同奉 聖旨楊
某召赴行在者某聞 命震懼不知所裁恩來自天
感極至骨伏念某頃居列着莫效萬分既與世以相
違得補外而已幸仰辱壽康之臨遣伴司江介之轉
輸猶直情而徑行或觸事而妄發 謝歸已矣潛伏
終焉忽召節之下頌力病身而並拜寵光祈建固應
不俟駕而行筋力已衰况復有採薪之疾左趾跛曳

而將廢右臂痛楚而未瘳倘免以載奔殆顛隳之
可必方命之非常刑敢逃須至具劄子申尚書省欲
望廟堂特賜敷奏追寢 召命再陶鑄在外宮觀差
遣一次俾竊祿食以安餘年不勝哀祈懼迫惶懼之
至

再辭免劄子

某五月初四日准尚書省劄子三省同奉 聖旨楊
某召赴行在者某已具辭免七月十一日准尚書省
劄子六月十二日三省同奉 聖旨不許辭免者
君命至重何敢再違品秩既卑豈應辭避伏念某才

疎用世景迫凋年入朝者三首見九歲隨牒且入奔
走四方祿食徒優補報何有晚抱危疾乞歸故山逢
聖主之勃興發德音而收召煖如春日覺枯木之欣
榮隱若新雷啟寒蛩之久蟄感恩字骨流涕交頤而
某老益不支病且垂死且不願再瞻于觀闕止恐先
已殞于道塗不能力疾以造朝已瀝忱辭而祈免夫
下士之賤莫勤惟天之聰繁瀆敢必于再三俞允終
期于萬一輒再具劄子投誠廟堂欲乞力為敷奏追
寢 召命改 外祠庶叨空祿以卒晚歲不勝哀懼
惶懼之至

辭免除煥章閣待制恩命劄子

某今月初四日某尚書省劄子以某再辭召命乞在
外宮觀八月十三日三省同奉 聖旨楊某係
太上皇帝官僚未經擢用特除煥章閣待制依所乞
差提舉江州太平興國宮任使居住者萬里聞命震
懼不知所裁感涕交零跼蹐以避伏念萬里少也願
仕而志早衰賜第紹興之年將闋時于四紀就列淳
熙之旦俾奉值于重明仰慚三 聖之恩莫効萬分
之報晚嬰沈痼力請退休逢尺地之重開願走趨之
一節政坐有採薪之憂疾游辭不俟駕之行令出再違

罪應九死不意上聖昇矜下臣謂其太安儲隸之
餘念茲元朝士之舊超出次對罔任真祠招虞人
以旄已寬不至之戮持從臣之書更冒非常之榮近
比絕無躡等是懼謹具劄子申尚書省欲望廟堂特
賜敷奏追寢新除待制恩命止差在外宮觀差遣一
次不勝惶懼懇迫之至

陳乞引年致仕奏狀

臣聞在法命官七十致仕又在禮經大夫七十而致
仕臣犬馬之齒在官簿今年雖六十有六而實年七
十臣合于今年三月陳乞致仕蓋緣去年十二月初

四日方拜聖恩次對外祠之命未敢遽有陳請今

叨食厚祿已及半年恩重命薄福過灾生入夏感

濕忽臟腑之疾大作服藥不痊惟有納祿辭榮庶可緩

死須臾哀告君父敢乞聖慈施天地生成之仁

推父母鞠育之愛許臣引年仍裁減恩數特與降

職各一等守本官致仕榮寵末減灾疾大輕萬一餘

生未填溝壑皆君父更生之恩危困發中哀涕交

下不勝祈天望聖惶懼懇迫之至謹錄奏聞

伏候勅旨

某皇恐輒有迫切之懇在法命官七十致仕又在禮
經大夫七十而致仕某犬馬之齒在官簿今年六十
有六而實年七十其合于今年正月陳乞致仕蓋緣
去年十二月初四日方拜 聖恩次對外祠之命未
敢遽有陳請今叨食厚祿已及半年 恩重命薄福
過災生臟腑之疾大作入夏感濕服藥不痊惟有納
祿辭榮庶可緩死須臾哀告大丞相欲望鈞慈保全
餘生特賜敷奏許某引年仍降職名一等 本官職
事某不勝懇迫祈望之至

再陳乞引年致仕奏狀

臣昨緣官簿注年雖六十有六而實年已及七十稽
之禮經皆應得謝遂于慶元二年六月十一日具狀
奏聞陳乞致仕至當年十二月十三日三省同奉

聖旨不允 聖旨溫厚未弃惟蓋願臣踈遠何以得
此禔拜成命感極涕零踟躕久之不敢繼請今則臣
年已七十有一久病之後血氣愈衰耳目無復聰明
手足全然緩弱飲食減損舉動艱難疾苦無聊伏枕
待盡不避斧鉞再瀆 冕旒欲望 聖慈 曲垂

天聽 臣廢疾之久察臣哀懇之真俾無違于禮經
庶勿犯于拜典特降 眷旨許臣守本官致仕或消

災沴少一死亡仰祈始終保全之恩不勝迫切控告
之悃臣冒犯天威下情無任惶懼激切屏營俟命
之至謹進以聞伏候 勅旨

辭免轉一官仍除寶文閣待制致仕奏狀

臣昨于慶元二年六月內具狀陳乞引年致仕奉
聖旨不允至三年七月內再申前請俟命兩年今月
初四日復准省劄以臣陳乞引年致仕二月十七日
三省同奉 聖旨與臣轉一官除寶文閣待制致仕
者臣聞命歡喜省躬震驚伏以先漢李宣以曹秩而
賞良吏本朝 列聖以進職而勸有功而臣猥以顛

蒙加之耄病晚會逢于 聖主首蒙被于鴻恩拔自
庶寮之卑誕賓法從之峻七十致仕蓋遵禮典之大
閑再三叩闕始辱命音之丕降荷 天地曲成之施
全桑榆暮景之歸然非良吏而曹秩一階允為既渥
之數非有功而進職四等更出非常之恩倘冒昧以
居^焉恐隕越于下矣願回成渙以保凋年所有轉一官
仍除寶文閣待制 恩命臣不敢祇受乞止守本官
職致仕謹錄奏聞伏候 勅旨

辭免除寶謨閣直學士奏狀

臣于七月二十五日伏准尚書省劄子六月二十四

日三省同奉 聖旨楊萬里歷事四朝年高德茂除
寶謨閣直學士者 臣聞命震懼措躬顛危 臣一星卧
疴七秋謝事荷 上仁之懷舊至三乃從加異數以
勅歸不一而足方 涵天澤幽屏雲林未省何功誤
蒙進律雖歷事四朝之久然初微半髮之勞沈縣
良厭餘生之苦老諄憤 敢承德茂之褒驟聞尺
一詔之頒誕真十八人之列顧寸心而有愧揜公議
以何深非政刑之勸懲止繫 之當否恐此舉之
踰甚為公朝而惜之敢以週年仰誇 聖治所有除
寶謨閣直學士恩命 臣未敢祇受欲望 聖慈追寢

成命以安愚分謹錄奏 聞伏候 勅旨

辭免召赴行在奏狀

臣于九月二十一日伏准省劄九月二十日奉

聖旨楊萬里召赴行在者 臣聞命自天省躬維谷伏
念 臣齒幾八十災亦頻年伏自去秋偶嬰淋疾當平
居則似子無事遇登廁則痛不可堪慘毒甚于割烹
呻吟達于隣曲敢期 聖主之念舊時招微臣而趣
行禮有大經召不俟駕使應駿奔而出宿死于道路
而益榮顧犬馬塋藏豈惡無蓋惟之錫然草木摧折
恐上惻乾坤之仁一瞬敢欺萬死無赦願回 上天

之哀眷曲全小物之餘生須至具奏以聞欲望
聖慈矜憐追寢召命今臣仍舊官職致仕不勝懇迫
惶懼之至伏候 勅旨

辭免召赴行在奏狀

臣昨具奏狀辭免收召乞 聖慈追獲 恩命于十
一月二十日伏奉十月二十一日詔書不允者 臣切
惟一切以趨已違無諾之召再命而偃游蒙有詔之
溫心魏闕以先馳駕柴車而復返伏念 臣半生不蹇
薄暮時升自逢賓日之初寵盼芝 首預客星之列
誕真杯階未瞻尺五天之青光亟進十八人之通直

歲才更薦 帝復賜環拖紳答揚奏牘新免非有白
雪之廟住曲承紫渙之趣行光武側席于幽人芬馨
千載顏闔致詞于使者沈痛一身情與願違涕隨言
出須至再具奏狀以聞欲望 聖慈察臣老病之實
赦臣稽違之辜特賜追寢召命次自餘生不勝震懼
懇祈之至伏候 勅旨

辭免除寶謨閣學士奏狀

臣聞惟立國紀綱之大柄在馭臣賞罰之至公許之
纓而以昭仲尼之所甚惜招以旌而不至齊君之所
必誅恩威兩隆今古一貫而臣退惟老諄仰辱招延

屬以有采薪之憂遂違不俟駕之禮釋辜以幸進律
何名豈其小人儒之微被以真學士之寵有虞人之
罪而幸免天下將以為失利無干奚之功而示褒天
下將以為僭賞致公朝功沮之奈皆微臣瑕玷之
由煩言必興萬死無赦恭懇切迫上冒 聖聰祈免
誤恩以逃大譴須至具奏以聞伏候 勅旨 謹啟

誠齋集卷第七十一
廬陵 楊萬里 廷秀

誠齋集卷第七十一

記

隆興府奉新縣懷種堂後記

奉新人士王模表去非將仕郎曾商英移書合辭來
請于余曰先生宰新吳日大帥樞密武夷劉公常請
于朝為民除僑田之害邑人德之作懷種堂以祠之
先生記之矣今又有記者蓋自紹興經界既行民田
既上惟是田之在官其名曰營者皆地之幽遐疇之
汙萊民之荒弃者也于是官無日不討其民強而授

之曰惟種惟糧于我乎取惟犢惟耒于我乎貸惟繇
惟耕于爾乎復歛田畝賦米斗有半歛土畝賦泉六
十民咸利其薄征始耕競焉其後議臣建白鬻之于
是民之田此田者以泉仇官以田業已不省其害也
吏言于官田新田之賦不當吏于民田之賦于是兩
稅二後繭絲買賣為粟為帛舉重其佐易而為泉民
之輸者其費視舊十百始不堪命民訴之邑：謁之
州：謁之吏：曰不可今明府張君瑄未及下車宥
知民之甚病者在此力謁之州其不可益堅于是君
孤憤不勝欲解印綬挂縣門去模三人舉幡倡邑民

遮留曰寧存民病勿失賢宰今請不可何知後終不
可耶後有賢帥與賢宰意合則必可已矣未幾龍學
尚書廣漢張公來帥豫章君欣然曰吾幾安去今謁
不行則去不妄矣即重謁之于公：折然行之吏猶
爭曰不可公一不聽於是田無故新均曰民田賦無
抑配均曰正賦然後新田之民為戶一千有九十
者舒凋者蘇疾者除舉以手加額而相賀曰微吾宰
張君不能爭吾民難爭之賦微吾帥張公不能從吾
宰難從之請是可不大書特書以侈張公莫厚之惠
以慰吾民無窮之思願先生記焉模三人者與邑之

民繪公之像與劉公同堂社而稷之前劉後張文武
忠孝則人相若師長慈惠則政相若刻磬疾苦則事
相若兩公立二碑對峙式永厥垂其不淵曜先生
雖欲辭將何辭余謝曰其何敢辭或曰兩公除民之
害則同然而孰難余曰劉公易也張公則難耳且事
有欲為而不得為有得為而不欲為不得為者在
我欲為之我能言之耳行與否在我乎故曰難劉公
是已今張公行之自我不行亦自我上無柅旁無牽
顧我不欲耳我欲之何難焉日惟其得為亦得不為
是以難為何也以新田用舊賦捐州家十百之利其

細置官其大置勲何謂不難或曰張公似非難也留
此以遺張者則難也併書其說以卷三士慶元戊午
人日記

靜菴記

宋中興以來自高宗及孝宗及太上及今
上四聖御極七十有四祀臨軒策士凡二十有三得
人衆矣不可而詳已惟我大江之西有一族而叔侄
同年者一時艷之以為盛事若予與故叔父麻陽今
諱輔世是也有一家從兄弟同年者若予族叔祖忠
襄公之二孫曰炎正曰夢信是也有產兄弟而同年

者若吾州印岡之羅曰維藩曰維翰蘭溪之曾曰天
若曰天從是也有父子同年者若清江之徐曰得之
曰筠是也至于父子有後先異時而同登甲科者誰
歟故資政殿學士參知政事清江蕭公照臨紹興十
八年甲科第五而其子景伯又以淳熙十四年甲科
第四張弓治奕葉名第趾美其不又盛矣哉中興以
來一家而已景伯科之年蓋孝宗之季王道邇
隆之時也如唐之正觀開元如本朝之慶曆元祐
而景伯以卓詭切至之言上當聖心臚唱之日參
政以侍玉座觀殿上傳呼其子姓名景伯既

出班再拜謝恩畢參政自帝左右趨而下文石
復再拜謝恩自宰相侍從百官及在廷之士皆咨嗟
歎羨予時亦以省試官待罪廷中目覩盛事謂景伯
十年鳳池名位視其父有過之無不及者後十四年
余既以衣挂^冠神虎門上而景伯方為國子博士兼史
官遺余書曰達嘗讀易竊有志於靜之一字則以名
其所居之草庵以自儆焉敢請先生一言以記之予
復之曰在易貞雷而其悔山以靜動之義也故其
卦曰頤者養也貞山而其悔雷以動靜之義也
故其卦曰小過小過也知以靜動之為養又知

以動。靜之為過則靜之道得矣。然聖人猶有大戒焉。何戒也。願戒在初。小過戒在上。然則靜終不可動乎。曰：靜而不動可以動矣。慶元六年五月日具伍楊其記。

張希房山光樓記

永豐石井張氏秀民相望焉。昔乾道間文仲武仲弟兄好義喜賓客治樓觀築園囿與往來士大夫行樂其中。文仲之樓命曰霽月武仲之樓命曰憑虛。皆求名于予而予命之也。今垂四十年矣。客有自石井來者余必問二樓無恙否。為我寄聲樓中風月客。

曰：霽月顧無恙。憑虛今為烏有。先生笑予每嘆息。歲月無幾何而物之廢興乃爾其速也。客曰：憑虛雖廢而武仲有賢子師良字希房者種學擷詞尤工詩句。即其舊址作新一樓。靡汰昔字靡遁。今覽字前有嶼。嶼上有葩。嶼外有沚。中有渠。沚外有疇。疇若博局。疇外有溪。橫若羅帶。是皆未足為樓中之偉觀也。因出袖間一圖予披而觀之。則佳葩美木繁蔦爭發。秀色奪目。竒峇襲人。予為驚喜。客曰：未也。客以右手卷其軸而左手舒其繪。樓隱隱浸浸而葩草亦翻。退藏忽有萬峰橫空起立。邇者如黛。遐者如黝。濃者如

濕淡者如無銳者如筍卓者如屏跳青躍碧呀雲喻
霧或向而來或背而去或偃而倨或倭而揖或奔而
追或凝而迫居予不覺眸子眩晃應接不暇客曰某
之來也希若九頓首奏記願徼福于先君武仲敢請
先生名此樓且記其後予曰章蘇州之書不云子鳥
啼山光夕北古今絕唱也命以山光可乎客謝曰幸
甚年月日具位楊某記

章貢道院記

贛之為州控江西之上流而接南粵之北陸故裏額
一路之兵鈴而外提二境之戎昭其地重矣邑十而

大疆袤而阻物夥而昌其事叢矣民毅而直小誦必
見于色小伸即釋可以義激亦可以氣而慝其俗古
矣地之重事之叢物之古故視邦選侯比他郡惟艱
慶元五年前尹直秘閣郎中三山彭公改帥五羊
皇上命祥刑使者華文大卿雪川俞公兼領府事蓋
弄印不畀者將期逮十有一月以畀今尹右使舍人
栝蒼張公之來之初延見士民觀覽風謚愛其質直
信其無諉則籲其耆老而諭之曰而之所大欲將無
在于父母妻子之相安乎將無在于衣食飽溫之不
匱乎將無在于刑憲頌繫之無麗乎皆對曰諾公退

而喜曰謂贛民未易治者皆謗吾民者也即表聞于
上曰凡厥有生性皆本善又曰若先以小人而待人
豈古良吏之為吏斯言一出一邑之民以手加額家
傳人誦楮生毛穎其價十之于是是一令無出、而必
行一政無行、而必傾無改民勇于孝悌無息民
爭、于耕織年穀大穰盜頌頓清未朞年而贛之治
聲以最聞焉于是是一府之督郵從事皆賀公曰公之
表詞人始而未信中而信且疑今固不信矣非夫人
之信于公而公之信于人非夫公之信于人而公之
信于心也大哉心乎以政化者標木之柱以心化者

以枹召嚮公矣指其燕喜之堂曰此非燕喜之堂吾
州之道院也賓皆然曰遂易其扁曰章貢道院而以
書屬予記之則書其所聞以復之公名貴謨字子與
知與予友善今二十年云庚申十月十八日具位楊
某記

湖北檢法聽盡心堂記

鄱陽忠定張公參政孤忠大節霜清玉潔在廟堂而
百官聳在邊鄙而四夷服在出處而萬民仰蓋紹興
名臣之弁冕江左人物之泰華也由今望之生氣凜
凜故其典刑文憲衣被子弟傳襲宗族如漢韋平如

晉王謝家芝玉而人鳳麟今湖北憲臺檢法官張君
瀛其群從之仲季也以達學懿文拔奇輩流蚤踐世
科趾美續聞方當聖上體天大德蹈舜好生妙選
膚使桂林唐公為詳刑使者又差譯語椽如賓者以
賓贊之而諏律馬退之所謂志同氣合川泳雲飛者
不在此其將馬在君于今年某月日以公辭久敝撤
而新之於其東偏作一燕坐閣其上而堂其下扁其
堂曰盡心蓋取諸禮經例成之戒也不遠千里遺書
謁記于萬里曰瀛不佞生也後仕也遐願一就先生之
下風而亡繇然幸與先生之季子為寮于斯將有請

于斯：堂也斯名也瀛竊願學于例成之君子焉惟
先生進之某復之曰盡心于刑其戒在禮其說在易
易之中孚曰君子以議獄緩死夫議獄云者將議而
入之歟抑亦出之歟緩死云者將緩之而求其死歟
抑亦求其生歟而君子之孚于中而誠于心者知之
矣此盡心之說也昔于公之陰德其慶在定國歐陽
崇公之仁其報在六一先生君子遲之若君之盡心
者今蓋稀矣空桑不云乎豈若吾身親見之哉惟君
楸之

安福縣之南三十里而近有秀溪者十里而九縈凝
為天鏡涌為車輪行為齋純魯縞之紋激為金篲玉
磬之音人士周奕彥博居其上築館臨之命之曰秀
溪書院講經有堂諸生有舍叢書於間旁招良傳以
訓其四子曰伯紀承勛伯仍大同良齋先生聞而嘉
之為大書四字以署其堂焉彥博來問于予曰奕也
聞先生之于後學勿之有拒焉爾矣蓋有不可教而
教未有可教而不教也蓋有未嘗問而告未有問
而無告也奕將俾諸子之學繫義理乎或曰若是哉
其左也今之仕者非此其出也繫文辭乎或曰若是

哉其濬也古之學者非此其入也願先生攤張謝公
大書：院之旨以啟其衷予應曰子之言皆是也抑
漢高帝所謂公知其一未知其二者也我今告子
以為聖人之經君子之學端矣事乎道之以人之理
齊之以人之綱如是而止耳綱焉在曰親曰君而止
耳理焉在曰孝曰忠而止耳故動天地貫日月通神
明聞金石表四海範百世莫大乎忠孝昔者孔子嘗
謂古之學者為己矣欲知古人為己之學此其是也
曰左可乎若夫學文者孝悌之餘力也修辭者主誠
之宅里也故四教首文黎獻先言昔者子張嘗學于

祿矣欲知今人干祿之學此其是也曰滂可乎將由
夫或者前之說乎是木植而斲其抵也將由夫或者
後之說乎是穀茹而訕其耘也子于斯二者惟勿後
乎子之所先者勿斲其抵滂者其不隆乎子之所後
者勿訕其芸左者其不右乎子盍于孔子子張而問
之乎彥博嗜學而強記經史百氏靡不綜貫云伯紀
承勛委之以詩學首選于膠庠餘皆競爽嘉泰壬
戌人日通議大夫寶文閣待制致仕吉水縣開國伯
食邑七百戶楊萬里記并書

醉樂堂記

吾州歐陽氏皆率更之苗也率更之葉五傳者曰琮
刺吉州子若孫遂家焉琮之葉又八傳者曰萬宰吉
之安福其子若孫皆于吉者派為三支一支為永豐
之歐六一先生是也一支為廬陵之歐近世詩人伯
威是也一支為安福之歐今奉議郎賜緋魚袋紹之
是也紹之自未冠在縣庠弟子員中已蘄然角立讀
書五行俱下試文屢中甲乙至鄉舉輒不讎乃拜王
父藤州史君門子之命非其好也四轉而為永州錄
事參軍於是年四十有九矣慨然太息曰大丈夫不
為風翮九霄之鵬則當豹隱南山之霧耳安能作韓

退之判司蠶楚之酸語乎昔朱買臣曰吾年五十當
貴吾亦曰吾年五十當隱于是上書北闕願致為臣
挂其冠即日自駕柴車歸安福東門外秀峰之西麓
開三徑壑九畹垣一圃對千畦晝爾于行宵爾于營
其所高寒亭之榭之某所深窈沼之泚之某所演迤
花之竹之其芝其蘭尸祝靈均其菊其松尚友淵明
其石其泉佳招游岩日與方外之士觴咏其間乃作
一堂庵有萬景揭以醉樂師我醉翁堂成與客之
客曰醉翁之樂不在酒而在山水之間子之樂何如
紹之笑曰我醉欲眠姑俟他日紹之名似得謝今十

年矣嘉泰壬戌閏月望通議大夫寶文閣待制致仕

吉水縣開國伯食邑七百戶楊某記

永新重建寶峰寺記

安福之南垂永新之北際介乎其間有山孤秀其高
五千丈其袤數十里遠而望之儼乎如玉公大人弁
冕端委束珪佩玉坐于廟堂之上使人一見而敬心
生焉近而視之澹乎若岩壑幽人被薜荔帶女蘿餐
菊為根紉蘭為佩呼吸日月按掌雲烟使人一見而
塵心息焉故老相傳其名曰萬寶峰云距山不遠有
浮屠氏之宮曰寶峯寺飲山之翠納山之光領山之

要里人云樂游焉而樂之尤者槎江居士朱君諱戩也始遊而愛其幽邃昕而來夕而返超然有會于心久而忘歸既而惜其棟宇之壞墮浸漉欲葺而新之蓋心許而未之言也一夕夢至某所若道家所謂小有天者其地瑤玉其廈金塗其浸芙蓉其林多羅其禽頻伽其牧狡猊其人福袒右肩其服珠琲孔翠徃徃或跨龍鳳以為馱或坐菡萏以為床駕雲騰空超忽變化瀆叟山川草木異彩炳煥石皆金色光奪人目霍然驚起茲非予之心許而未言者耶有所悟則倒橐召匠斲山取材為殿為堂為寢為廊為門為墻

為園為象樸斲堅好瑀飾備具金碧有爛鼓鐘有鏜市腴田以業其生賈度牒以世其徒遂為衆山佛宮之冠至其子良肱真繼葺焉近歲戊午燼于鬱攸其孫知微知廣復一新之焉於是壞之蕪者葺基之窪者夷級之缺者甃宇之燎者主像之亡者補尺椽寸甍舉非其舊其舊惟數古佛及政和間大一鐘而止焉里人縱觀葺者喜其復穉者駭其麗遠者賀其新寺始葺于紹興之甲子再葺于紹熙之庚戌一新于慶元己未之仲冬後先之費為錢之百萬云既成知微介予倩劉億謁予記之予喟曰天下事患莫之倡

倡之矣患莫之繼然士大夫之家而祖而父倡以術
業繼以荒嬉是亦繼也有能如知微弟兄之繼其父
祖之志者乎無也抑請大之其明年四月十一日通
議大夫寶文閣待制致仕楊萬里記并書

長汀縣重修縣治記

閩之為郡八孰難理曰汀、之為邑六孰難理曰長
汀曷難乎汀曰其山峭岼其川怒湍其民悍堅曷難
乎長汀曰汀為閩尤長汀為汀尤天台謝君周卿佩
印組至之日頷而嘻曰地固險易險易在氓、固悍
愿悍愿在政爰整維綱爰究源委以肅乎氓者肅乎

躬以繩乎胥者繩乎理先是邑以鬻監為田外之賦
盜以餐錢為俸外之給君曰非令甲也則却而儲
之於外府迨暇巡行邑居周視墻屋問其門序傾西
墮東問其闌扉上雨旁風問其帑庾橐囊壁空初而
戚既而懌曰不有外府於是畢捐所却之布為錢萬
者百廼市松石廼陶甃甃廼屬匠役門序鼓樓之屋
若干區皆因故為新園扉之屋十有二區帑庾之屋
十有四區皆以新易故又以其羸為燕息之所其肇
造者曰釣臺曰村莊曰靜節之祠亭曰森爽閣曰蓬
萊其更造者曰琴堂曰偃室曰槐堂匪棘匪紆若卷

若幼暮年僞功無糜公藏無聳民聽霍然山出煥然
霞湧君子謂是役也一舉而三善具矣費而不費捐
以祈却取疑從舍受疑從辭不曰潔乎不知其賦視
其羸不知其野視其庭不曰敏乎事輯而民不疾役
不迫而功就不曰惠乎仲尼不云乎惜哉不齊之所
治者小嘉泰三祀二月庚申具位楊萬里記

瑞蓮齋記

吾邑之士蕭君季隨弓冶祖考襟帶詩禮耕獵陶楮
士之良也少之時徒手持一泓暨一中書君步入吾
州萬鵠袍之場其聲籍甚也己而曰是不足為歸而

遁其光遺其子異負笈遠從侍郎張章公學焉其文
日進士友推服歲在戊午其子肄業齋房之前池中
生蓮一莖二葩章公聞之日煉耿：祉哉為之兆矣
是秋有司薦異詣太常又上異之子應雷可博士第
子員章公喜曰吾言其有合哉則大書瑞蓮齋三字
以遺季隨季隨乃遣異來謁予記之予曰章之所謂
瑞其止一蓮而已乎將不止于一蓮而已也予聞蕭
氏之先其種德百年至季隨遂有聞焉不曰瑞乎至
異又有聞焉不曰瑞乎至應雷又有聞焉不曰瑞乎
抑予猶有^以楸馬者而家在唐曰瑞自過持國秉者八

葉茲又瑞之大者予欲而家之子若孫襲八而九可
無楸乎抑予猶有以擇焉者瑞之忠復之直瑞也嵩
之貴俛之達亦瑞也後之瑞于而家者也前之瑞
不惟瑞于而家者也予欲而家之子若孫襲八而九
可無擇乎嘉泰甲子燈夕後二日具位楊萬里記

山居記

山居者待制侍郎雲川沈公賓王之居也賓王之居
不于其山于其郭而曰山居者癖于愛山也人各有
癖或子癖于馬賓王癖于山郭居而名以山居以見
愛山之意無適而非山也賓王宵次洒落如風櫺月

牖韻致清曠如雪山冰徑身居金馬玉堂之近而有
雲嶠春臨之想職在獻納論思之地而有灞橋吟哦
之色家本道場山之麓也而世居吳興之郭非其
好也爰即其居小築一室其廣三楹署以此名客有
過之而笑者曰君子之宅有二有晏子之宅有庾信
之宅庾子林晏子市也今子之宅晏也非庾也而曰
山居嘻甚矣子之愛山也抑亦居則有矣惡觀所謂
崑崙哉問其戶外則康衢之埃也那得青磴之倚天
問其墻東則唐肆之區也那得千巖之秋氣問其極
目則黃公之壚也那得飛泉之漱玉昔羊叔子有鶴

嘗矜其能舞一日客至求觀公為出之竟斃斃不能
舞今子之山居將無類羊公之鶴乎賓王笑曰子知
笑吾之無山而有山不知吾亦笑子之有目而無目
也吾嘗仕于江西章貢之憲幕矣又嘗守天台矣又
嘗守會稽矣翠浪玉虹丹丘赤城若耶雲門千岩萬
壑至今磊々皆在吾目中也今吾此室之前怪石相
重松竹相友泉流相暉其巖然者非崆峒天台乎其
森然者非雲門禹穴乎其冷然者非瀑布廉泉乎吾
居無山吾目未嘗無山子目無山吾居未嘗無山開
禧乙丑六月既望誠齋野客廬陵楊萬里記

嘉定元年春三月男 長孺 編定
端平元年夏五月門人羅 茂良 校正

誠齋集卷第七十一

蘇平六平夏立門入籍之身而拜五

去穴六平春三民思身款

誠齋集卷第七十二

廬陵 楊萬里 廷秀

龍伯高祠堂記

龍伯高祠堂記

廬陵龍克卿東漢太守伯高之遠裔也其父光隱于
藝以游諸公間侍郎胡公伯明甚愛之贈之言謂其
能遵乃祖伯高之戒光嘗有意作堂以祠伯高至克
卿乃克有就 予記之伯高諱述京兆人建武中為
都長以馬援之書有敦厚稱是以有零陵之拜克卿
云相傳伯高葬于成市而子孫因家焉證諸陶岳之

記良然問其世次則譜牒亡矣問以伯高之事所
對如史問此邦之長老以伯高之政則皆不能言矣
曰此吾郡賢太守也夫自建武至于今幾年矣莫詳
伯高之事宜也就使能言可據依耶然知與不知皆
曰賢則其政非有以得乎民當不如是其入人深也
而史逸之惜也不謂之不幸也哉無有得因伏波之
書而問之也豈無若伯高之僅傳者耶豈無遂不傳
者耶嗟乎世之君子儲重寶市腴田大第以為子孫
謀者克然自以為固蒂也未徙蔭而向之克然者王
承福為之憫然矣而龍氏之居零陵至于配湘流而

無窮豈克然之智不若龍氏歟抑亦繫其人之賢否
否歟不然權勢者必爭而僻遠者不故難守而易
失歟易守而難失歟先是伯高未有祠德施於民于
禮從是堯卿既昌郡民爭先為事固有古於
作而今於者矣士君子之所立以已之所自信而
使時人之必信其不難乎哉某年某月某日當成予
既為之記復繫以詩使歌以祀焉其辭曰愚溪之委
兮瀟水之末流有蕭其山兮道大路之石隄玉立萬
碧光鮮兮造時回而修居者勿肅兮過者式東京
使君兮惠我以嘉德旄倪俯僂以明祀兮謂使君兮

惠即吾翁此邦孰非翁之子孫兮不寧唯諸龍荷杯
兮桂酒手舞康年兮為翁壽颯然精靈兮翁來歸何
以候司守兮光風泛芙蓉之旂

玉立齋記

零陵法曹聽事之前踰街不十步有竹林焉美秀而
茂予甚愛之欲不問主人而觀者屢矣輒不果或曰
此地所謂美秀而茂者非謂有竹之茂也有良士之
謂也予聞之喜且疑竹之愛士之得天下孰不喜也
獨予乎哉然予宦游于此幾年矣其人士不盡識也
而其良者獨不盡識乎予欲不疑而不得也今年春

二月四日戌者將至避正堂以出假屋以居得之蓋
竹林之前之齋舍也主人來見唐其姓德明其字曰
與之語于是乎喜與前日同而疑與前日異其為人
莊靜而端直非有聞於道其學能爾乎有士如此而
予也居久而識之新誰之過也以其耳目之所及而
遂以為無不及予之過獨失士也歟哉德明迺暇與
予登其竹後之一齋不萬竹顧而樂之笑謂德明
曰此非所謂抗節玉立者耶因以玉立名之而遂言
曰世言無知者必曰草木今語人曰汝草木也則艷
然而不悅此竹也所謂草木也非也然則其類則草

木也其德則非草木也不為雨露而欣不為雪霜而
悲非以其有立故耶世之君子孰不曰我有立也我
能臨大事而不動我能遇大難而不變然視其步武
而徐數之小利不能不趨小害不能不避問之則曰
小節不足立也我將待其大者焉其人則不愧也而
草木不為之愧乎德明負其有深藏而不市遇朋友
有過而折之退無一言平居奮然有憤世嫉邪之心
其所立莫量也吾既觀竹夜歸顧謂德明日後有登
斯齋者為我問曰人觀竹耶竹觀人耶隆興元年廬
陵楊某記

景延樓記

予嘗夜泊小舟於峽水之口左右後先之舟非楚之
估即楚之羈也大者宦游之樓船而小者漁子之釣
艇也崖有市焉予躡芒屨策瘦藤以上望而樂之蓋
水自言水之同川入峽之兩崖對立如削山一重
一掩而水一縱一橫石與舟相仇而舟與水相謀舟
人目與手不相計則殆下視皆深潭激瀨黝而幽
白而濺之過者如經灑瀨馬峽之名豈以其似耶至
是則江之深者淺石之悍者夷山之隘者廓而地之
絕者一顧數百里不隔矣時秋雨初霽月出江之東

沿而望則古巴丘之邑墟也面覲則玉筍之諸峯也
沂而顧則予所經之峽也市之下有棟宇相鮮若壺
若停者時苦氣寒甚予不暇問因誦山谷先生休亭
賦登舟至今坐而想之猶往來其中也隆興甲申二
月二十七日予故人月堂僧祖光來謁予曰清江有
譚氏者既富而願學作樓於峽水之濱以納江山之
勝以待四方之江行而陸憇者樓成乞名于故叅政
董公、取鮑明遠凌烟銘之辭而揭以景延公之意
欲屬予記之而未及也願畢公之志以假譚氏光予
曰斯樓非予疇昔之所見而未暇問者耶曰然予曰

山水之樂易得而不易得不易得而易得者也樂者
不得得者不樂貪者不與廉者不奪也故人與山水
兩相求而不相遭庾元規謝太傅李太白輩非一丘
一壑之人耶然獨得竟其樂哉山居水宅者厭高寒
而病寂寞欲脫去而不得也彼貪而此之廉也彼與
而此之奪也宜也宜而否何也今譚氏之得山水山
水之遭乎抑譚氏之遭乎為我問焉祖光曰是足以
記矣乃書以遺之譚氏兄弟二人長曰雁字彥濟次
曰發字舟祥有母老矣其家睦祖光云楊某記

吾友劉彥純以書抵予曰永新譚君徵仲者翩：衣冠之佳子弟也自徵仲之祖致政公以明經詣太常晚以特恩得官其叔父朝奉公年甚少第上第垂及光顯矣而年不待朝奉公有子曰明仲今主袁之冝春簿徵仲者朝奉公之猶子而明仲之從兄也力學而未有遭作堂叢書以教其子四人取之韋氏而命之曰一經介吾書以乞子言予於是嘆曰遠哉其志也譚氏其興乎為子計者不可守不為也世之君子門戶失守而後以貨：又失守而後以田：又失守而後以書蓋門戶有寒有炎而田與貨有去來遂之莫去損之莫取者書也三失而一不失者也是故守家者莫固于書然予嘗見好書者以謀書矜曰此乃某相之家藏也又以其書矜曰此某從官之藏也予視其識款則果非好書者之故物也亦非某相某從官之故物也乃前此某相某從官之故物也好書者之身逆而數之率一書三易人然則書又未可恃也書蓋有可恃者矣不家於藏而身於藏則幾矣今致政公得之朝奉公朝奉公傳之徵仲徵仲傳之其子其書四世而不去如譚氏者鮮乎哉徵仲子皆能讀書為文章譚氏其果興乎故老相傳易山禾水之秀

氣嘗出相者三其信然也耶是氣也沉而不升黯而
不光者幾年譚氏之居吾聞義山在其上禾水在其
下嘗能候之彥純蓋因以告予也戊辰三月既望記

懷種堂記

乾道四年樞密劉公既登用善類復聚國勢大統天
下仰目指其中興而公孤忠崇岷不少斲和疾視孽
邪畢力擊排既牢不可動則嘆道行則吾止道止
則吾行是不可並乃以大資政作藩隆興至則旁搜
民瘼孰為疽根弗彌弗蕪我則滌除俾罔後災首得
奉新縣三鄉寓歲之弊欣然上聞其明年將下轉運

悉蠲除之為三十五萬錢有奇為米若干為帛若干
命下而公已遷荊州牧矣於是三鄉昔無田而有稅
者今無其所有昔有鄉而無民者今有其所無又明
年五月予來令奉新三鄉之民相率作堂畫公像于
間以致瞻佇之敬十一月某日堂成予移官成均將
行邑之士王某以三鄉之民來請名且記予不得
辭名堂以懷種言德懷言民也于是民皆嘆曰微
公之恩吾其不守丘矣予曰此非公之恩也于是民
皆不悅予重告曰爾不見前古之君子聞興民之害
則勇于敢聞除民之害則勇于不敢今公之言朝奏

而上之命夕應然則此非公之恩上之恩也于是民始悅予曰亦公之恩也于是民皆大感予又重告曰爾不見世之君子乎一言而為民百世之害也彼不曰害民也曰利國也國可利也民可害也不可言也而觀民有其害而國不有其利歟然其人猶矜曰吾知忠于國也且夫國之所立其所恃者誰也日夜搖其所恃以忠其主是果忠不忠也一言而除民百世之害如公者有不有也然則此又公之恩也于是民始大悅三鄉曰晉城曰新安曰法城門生奉議郎新除國子博士楊某記

竹所記

永嘉吳公叔清曠簡遠望之皎然如雪山落月滿屋梁也趨然如瓊田之鶴阿閣之鸞鳳也蕭然如馭風騎氣飲沆瀣而游汗漫也予頃識之相中一見定交脫帽痛飲說詩論文俗士往或疑其異或信其真公叔不知也今年四月予來為邑于新吳公叔實賓贊洪府相見談相事予老益且病矣折腰走階下非其好也公叔復持酒以盥濯予之泥途塵沙夜過半月在牖戶荷風颯然從東湖之渡水而至公叔與予皆大醉矣公叔起曰吾有竹所子盍為吾記之

予曰奚而名也公叔曰子不聞夫王子猷之不問主人徑造竹所乎予曰記之易聞然此非公叔事也乃揚子事也揚子時為子猷之徑造矣但未知今之主人與昔之主人何如耳公叔大笑曰王茂弘不云乎元規若來吾便角巾還第庚寅歲十一月四日記

水月亭

予既宦遊四方二十年自州縣入朝列得與海內英俊友當世之士非所趨殊向所志不同其行者往往一見即定交既交必以要蓋山何若而不擷海何

珍而不索也然求如韓子所云明白純粹如吾友劉君承弼彥純者加少始予之少也貧且拙故多不合貧故寡與以與者之寡而不合者之多故無友年二十一乃始得友吾彥純彥純之為人非今之所謂為人者也其為文非今之所謂為文者也予初得此友亦以為得斯人于吾鄉則艱乎爾得斯人于天下則奚而艱也今其然矣乎今其不然已乎不彥純之為見七年矣余連宿南宮同舍即上馬去鴈鷺行亦散隔牕雨雪落修竹間一風北來崢然有聲家人以彥純書來索水月亭記予慨然不樂覽書危坐獨想

忽如登斯亭對斯人則又欣然而獨笑也當予與彥
純共學時每清夜讀書倦甚市無人迹則相與登亭
掬池水弄霜月自以為吾二人之樂舉天下之樂何
以易此樂也誰有語之以今日離索之悲肯信不肯
信也今何地無水何時無月而吾二人欲追求昔者
登亭之樂則既有不可復得之嘆抑不知吾二人復
相從登斯亭猶如昔者之樂否也癸巳月日記

嚴州聚山堂記

嚴陵郡圃新堂落成命曰聚山太守宗丞曹侯取予
詩語也堂之經始治中張定叟謂予子盍賦之蓋侯

志也詩既就侯取以命堂且徵予為記初予官於朝
以老母馬補外得符臨漳自龍山登舟：人忽拔柁
擢望潮波之來而逆之突而入焉然後隨波疾行江
山開明四顧豁如甚快予心也舟行之一日自鷓鴣
灣歷胥口則兩山竊立而夾馳中通一溪小舟折旋
其間行卷^若居止若墻面偏阮亥塞使人悶：又一日
宿烏石灘下曉起而望則溪之外有地：之外有野
野之外有峰：之外有山雖不若向之開明豁如者
然北山刺天若倚畫屏南山隔水若來衆賓玉泉若
几斫而九峰若珠芝蘭玉樹也於是予之快者復而

悶者去矣予以呼家僮未來假館于曾侯者朞月
嘗從侯散策郡圃初予登峰之榭予亦甚快已而降
自古堞委蛇東北至夫所謂正己堂者築高而趨之
庫宇敞而見之隘悶然復如在鷓鴣灣胥口舟中
時也侯曰是中有佳處我初得之將因其材易其地
以為新堂子豈識之予未應且行且顧舉武不百至
壞垣所偶跋而望則向之若倚畫屏者倚乎此若來
衆賓者賓乎此若几斫若芝蘭玉樹者畢集乎此予
欣然曰漢武帝不云乎公等安在何相見之晚侯之
所謂佳處者此其是耶非耶侯大笑曰得之矣堂成

予行因書其說

春雨亭記

宣溪王邦乂既葬其父主簿公于某山作亭于前春
秋率子弟展省竣事則休焉諉其友蕭如埏問名于
予且記焉予命之以春雨亭而告之曰吾聞之春雨
潤木自葉流根物以本滋苗亦以苗滋本今則不然
本乎責者不加納苗乎責者不加周富貴利達之得
未始尤其窮富貴利達之不得未始不尤其先不惟
尤之也以其先及其山以其山及其骨曰某山某水
莫之利也於是一墓有一易者焉有再易者焉有三

四易者焉有五六易者焉一易可以已矣贛陽之巫
曰茲丘不告身之似也九品之官焉得出于爾家宜
陽之巫曰茲丘不賜墩之似也一品之官焉得出于
爾家是數巫者探吾民子孫之心而艷諸利其孰從
而破之其勢不五六易不厭也不惟民也惟士亦然
抑不思告身也賜墩也之二物堯舜三代之時有乎
爾無乎爾之二丘堯舜三代之時有乎爾無乎爾其
有也將先物而後丘乎將先丘而後物乎成周之有
官君子其先之葬也皆覲夫所謂告身之丘乎畢夔
稷契其先之葬也皆覲夫所謂賜墩之丘乎物與丘
之有無古之事不足校也墓與骨之震動暴露今之
人足愴不足愴也王氏子孫皆劬于學而好修自葉
之澤是在王氏子孫乎是在簿令之墓乎願以此記

霽月樓記

予頃官于朝得予叔祖彥通書諉予以名石井張氏
之樓且為之記予以未嘗至石井未登斯樓莫知所
以名之者乃復書彥通訊以斯樓何宜彥通又以書
云暄涼靡不宜而尤于秋宜風物靡不宜而尤與月
宜朝暮晦明靡不宜而尤于霽宜予乃大書霽月樓
三字以遺之未暇作記也余嘗見詩家者流多喜談

霽月余以為萬象皆有新故無新故者月也顧曰霽
月馬及子為博士于奉嘗時秋且半吏白子當祀壽
星余與少卿蜀人黃仲秉齋宿于西湖南山之淨慈
禪寺是夕雨作松竹與荷葉終夜有聲騷然也五
鼓夙興登壇將事則天宇如水月色如洗殆不數人
間有也蓋詩家之談信張克剛喜賓客且博延名
士以才其子斯樓又勝絕予安得月前霽後御風往
觀馬先作此記庶幾與斯樓有一日雅也年月日某
記

宜雪軒記

東江劉元渤語其友周直夫曰吾于世味未嘗升其
堂躋其殿也人馳而我止我所徇人所嚮也顧獨有
所癖昔子猷癖于竹靈均癖于蘭和靖癖于梅吾皆
兼此而有之若病若嗜土炭未易瘳也吾既聚
三物而群植之又開軒以臨之子盍有以名吾軒且
謁之誠齋以記吾所以記直夫未有以對也退而訪
子於南溪之上相與道元渤語欲取王元之竹樓記
之辭名軒以宜雪予曰子得之矣萬物莫不病乎雪
也不病乎雪者梅與竹歟蘭歟豈惟不病之亦復宜
之而梅得雪而後潔白者有朋惟蘭與竹得雪而青

蒼者無朋今也相與會處於劉子軒牕之下並馳于
歲寒風雪之會相友以道相摩以義掩之而色愈明
凜之而氣愈清推之而節愈貞者也予嘗試評是三
物矣殆有似夫君子蓋身幽而名白似鄭子貞鑑中
而鍊外似嚴子陵羣滂而孤清似伯夷叔齊云元渤
名渭喜客而樂教子弟之賢者多從之游視其癖則
知其人矣其子林學而有文嘗薦名禮部年月日記

誠齋集卷七十二

誠齋集卷七十三

廬陵 楊萬里 廷秀

記三

石泉寺藏經記

下泳蕭民望甚賢而喜士尤嗜蓄書發粟散廩而饗
殮六經捐金抵壁而珠玉百氏每鬻書者持一書至
必倍其估以取之不可則三之又不可則五之必取
乃以蓄之多而不饜老而不衰也以故其子弟皆好
學不惟其子弟其鄉人皆好學士之自安福而南者
走百里必曰我將見民望自永新而北者走百里亦

曰我將見民望予少之時嘗從先君至其家每念之
前清溪後平林修竹在左古松在右尚了了予目
中也今年友人彭仲莊來民望寄聲于予且曰我舊
嗜蓄儒書今頗嗜蓄佛書新作一經藏于石泉寺以
貯之將與學佛者共之予其為我記焉予不解佛書
且不解福田利益事也所知者儒書耳夫道性之而
至聲之而書乎讀至乎悟則書之為我為書矣
不然廢之而置焉書則書矣我何與哉今民望之
蓄佛書以待釋子釋子曰我之輪一周則我之誦一
周矣果何是事者異也無之而言為者窮也誦不以
口而以輪者惰也蓄不以心而以藏者棄也民望其
為我問

長慶寺十八羅漢記

大種長慶寺在廬陵郡城之北四十里而遙右皆碧
岑左湘溪水木曲茂望之蔚然也舊有十八羅漢像
蓋拙工為之儀觀俗下神氣昏頓類道旁叢祠中捧
土揭木之為者豈有世外岩下之姿遺物出塵之意
哉里中之士有羅長吉者顧瞻不怡捐重幣聘良工
改作之經估者四人淵默者四人納者一人杖植
者一人或揮塵欲談或長眉曳地或佛齒在手或清

水挈瓶玩爐者其意遠擾龍虎者其色暇所謂世外岩下之姿遺物出塵之意其庶幾不遠吾聞是十八人者西方之悍人也其未見佛也若吾子路未見夫子也由今視之所就乃爾然則人果可以無學乎由之瑟固非彼所搯也然為彼而不為此者所見者異人也使之彼乎入此乎出庸知其不由歛以寂廢動以躬慶物視其貌肖其學也施之於世則隻落矣然是十八人者漠然無滓超然無塵世味不能誘其衆人憂不能寇其崖而况車服可得而維刀鋸可得而加也哉長吉名惠迪^其二弟蚤世而諸孤不孤者有者

長吉之賢字燾之樂善而喜士里中莫我長吉之似

怡齋記

乾道丙戌冬予自廬陵抵長沙謁樂齋先生侍講張公公予于其居之南軒是時積雨未霽一夕湖風動地吹北雪踰洞庭被長沙城中予生長南方未嘗十月雪之為見十月雪自長沙始也予既羈旅倦且寒甚豈不欲一見親舊然僵卧南軒之東牕足未出門而心已入門矣既而吳伯承聞余至夜與祁魯仲來見詰朝侯彥周又與予里之士劉炳先兄弟來

見于是人事始擾、矣炳先一日約予欲彥周過其
家予嘉炳先兄弟之好學而又雍睦怡、如也索筆
為記書其楮間曰怡齋炳先求予記之予以行不間
辭未能也後九年炳先試南宮過廬陵炳先不知予
在予亦不知炳先過矣又三年友人周直夫歸自長
沙炳先遺予書曰頃失一見甚恨且促迫怡齋記予
得書喜甚間訊長沙故人則彥周魯仲伯永皆死久
矣當時南軒之集惟侍講與予與炳先兄弟四人在
爾今侍講官入桂予居廬陵炳先兄弟在長沙交遊
之存亡離合其使予悲也予老矣侍講亦年過四十

炳先兄弟其尚少也予其亦似予也予炳先名紹祖
弟維先名述祖吾州安福人也徙長沙今在世云淳
熙三年月日記

無盡藏堂記

永新縣東郭外右十里曰橫江張司理德堅居之近
無邑喧遠不林荒乃築山園于郭萬家剝壤為坵實
以芙蓉布礫為徑夾以海棠為亭為軒以憇以臨園
成與吾友劉景明游焉德堅若不满意者顧曰是非
不佳然人為非天造也乃與景明竹杖芒屨循海棠
徑北行百許步至禾江之濱德堅却立曰止吾得佳

處矣蓋江水西來湫然若從天流出至是分爲兩中
躍出一洲如橫綠琴味昂尻庫美竹異樹不執而蔚
水流乎洲之南北崖若裂碧玉欽服勢若競驚聲若
相應若將昏命而會于洲之下覽觀未竟雲起禾山
意欲急雨有風東來吹而散之不見膚寸義山之背
忽白光燭天若有推挽一玉盤疾馳而上山之顛者
蓋月已出矣景明賀曰惟江上之清風與山間之明
月耳得之而爲聲目遇之而成色取之無盡用之不
竭是造物者之無盡藏也東坡嘗爲造物守是藏矣
自坡仙去夜半有力者竊藏以逃嘗試與子追止收
逋而貯於斯乎德堅乃作堂於其處而題曰無盡藏

云

宜州新豫章先生祠堂記

予去年十月致書桂林伯侍講張公今乃得報且誨
予曰宜州太守韓侯璧直諫士也初抵官其他皆未
遑首新山谷先生祠堂蓋山谷之貶宜州崇寧甲申
也館于城之成樓曰小南門者明年卒焉後人哀之
卽其地廟祀之于湖張安國大書豫章先生四字以
揭之然居向湫隘屋廬壞墮不成列拜靡晉躬今
侯疾止顧瞻而曠爰出其闔距城不遐得地間盱湖

光前陳曠野洞開諸峰崛竒駿奔來庭立屋六楹以
妥神居刻木肖像似是是享俯湖為門于登于臨湖
山清空雲烟高寒神則降集人士奮豫既成東閣求
名若記栳既以清風名門矣子學詩山谷者微子莫
能記之子執書嘆曰子聞山谷之始至宜州也有民
某氏館之太守抵之罪有浮屠某氏館之又抵之罪
有逆旅某氏館之又抵之罪館于成樓蓋固之也卒
於祈館蓋饑之寒之也先生之既得罪于時宰也亦
得罪于太守乎鹿之肉人之食君子之殘小人之資
也孰使先生之所挾是以小人之資也哉夫豈不

得罪于太守也先生得罪於太守太守則不得罪于時
宰矣豈為不得罪也又將取禁焉由今視之其取禁
於當時者幾何而先生饑寒窮死之地今乃為騷人
文士佇瞻鑽仰之場來者思去者懷而所謂太守者
猶有馬則君子之於小人患不得罪爾得罪奚患
哉今韓侯之賢乃能社先生而稷之惜也先生之前
乎韓侯也先生之後侯猶敬之如此使其生也遇侯
而燠休之則主賓之賢牽聯而俱傳也惜也韓侯之
後乎先生也然士或同室而睽或異世而達苟達矣
前後足校哉先生之祠要自韓侯始則侯之傳決也

而又得侍講張公名其門其傳立決也因書其說寄侍講以遺侯云

興崇院經藏記

安富縣南出為十里者其地曰烏邨有寺巋然者興崇院也作于治平丙午至宣和甲辰而火釋守迎者再作之至建炎庚戌又火釋延冀與惠崇者又作之殿有庖福畢葺至今其徒得以安而居繼

而不絕者二釋力也釋海璿今居之璿良於醫得錢無可所用獨用之於其師之教所宜為者宮廬之欵傾佛像之漫漶既葺既考既葺既葺則與其徒蘊賢

淮計曰有寺百年而無一卷非不耒而農不書而士乎蔬其腹袖其軀焉而已矣吾徒籍弟今自窳自將靡覩靡怛其若後之敏惠秀辨求心問性者何于是傾橐之羸勸里之俠得錢如干蘊賢乃杖竹履草風飪露一走二千里至福唐市經于開元寺以歸為卷者五千四十有八為甌者數十百承以耦輪博以崇殿金碧煒燁丹漆可鑑龍光神威森然欲動鼓舞氓庶固不尊禮教所應有彪列明備璿因文士劉崇之及吾外弟周世通來求予文以記其成予曰彼於其斯之經所謂五千四十八卷者甌之矣能如是之於

書皆誦之否能誦之矣抑能如是之於書能通之否
世通曰釋之不如是固也抑不寧惟是釋能以無經
為柞固不如士之以書而入官以官而捐書釋能傾
資以市經固不如士之以身而殉貨以貨而殉色釋
能辛勤千里而求經固不如士之重斲以附炎奔命
以死權予無以詰因并書其語蓋殿成于淳熙戊戌
之冬輪藏成于己亥之春資出于璫力出於賢與淮
云淳熙己亥十月三日記

愛教堂記

富州鄒虞鄉豐其室而歎其心曷歎其心也欲淑其
子而未有造也其子蓋亦以競爽其子長如嘉木焉
既條既葉蔚如其茂也其幼如苗焉既露既雨燁
如其秀也虞鄉作一堂叢書於間歲聘良師以淑其
子問名于良齋先生謝昌國昌國命以愛教虞鄉又
介子弟延徵謁予文以記之堂以範其子以諗之曰
有子而教之非愛之矣抑今之教子者非古之教子
者也學云學云古也仕云仕云古乎哉今之教子而
舍曰仕云仕云者稀矣曰子乎仕親乎光也人固有
卿士其位者問其位則是問其人則非斯謂之光其
親矣乎人固有不鄉士其位者問其位則非問其人

則是斯不謂之光其親矣乎楮有璜者其室輝家有
良者其庭燁夫果俟于外乎哉今使二三子克其學
以淑其躬納其躬於聖賢君子之域而出其躬於公
卿大夫之途其為虞卿光者猶在也納其躬於公卿
大夫之途而出其躬于聖賢君子之域其亦光乎否
也然則為二三子者學云學云乎爾仕云仕云也歟
哉虞卿名時舉年月日記

王氏慶衍堂記

淳熙三祀惟光克大皇天壽于萬有開七秩是將成
義黃登堯似天齊日昇復無極自商三宗用之武

而下藐乎無以頌為也聖天子穆然謂茲威德事曠
不前聞用張鴻休赫厥誕章奉觴介壽峻極鴻號對
越夫紫昭天同符親：老：流馳厥慶溥將有截以
彰表不匱之孝臣字有母某氏厥齡若干僉曰應書
論封如章紫誥鸞書玉軸山輝華鏤榆狄命祗斯堂
里趨諾來賀塞門於是宣溪之人始知王氏有子
矣乎臣乃作新堂以侈君賜以怡親顏以詒孫子取
絲綸之辭榜以慶衍既落成屬某記之竊惟字變遠
主簿季安之仲子也未更事而孤其母夫人著簪葛
制雪鬢冰歛夙宵連如憂子無立字念及祈付感母

已憂我將何修以懌母懷則致身書林蓄畝典墳膳
服禮言將擷其根不寧其葩淑其心不寧其喙凡當
世鉅人長德是惟不聞世輕千里師之茹之居無幾
何厥聞播敷談者許可至是天濟滂流用光厥親是
不特書固克用勸則擁張厥初刻石堂上淳熙七年
正月日記

韶州：學兩公祠堂記

人物粵產古不多見：又奇傑也故張文獻公一出
而曲江名天下至本朝今襄公繼之兩公相望揭日
月引顯辰粵產亦盛矣哉蓋自唐 德於 今五百

有餘歲粵產二人而止爾則亦希矣然二代各一人
而二人同一州又何富也世謂以文取人抑末也兩
公俱以文學進以名節顯以文取人不可也以文廢
人可乎兩公立朝忠言大節多矣而諫用牛仙客安
太子英誅安祿山留范希文排張堯佐此尤治亂之
所先者也三言不用一言用天寶之黜慶曆之隆豈
適然哉雖然文 相磨而襄公未及大用或以是為
襄公感吾獨不然聖賢君子之於斯世顧道之行與
否爾相與否奚顧哉兩公者道行則宋隆道不行則
唐黜然則兩公之於斯世孰遇孰不遇乎後之有為

之主有志之士能知兩公遇不遇之說諏諸往度諸
來必有超然寤慨然歎者矣郡博士廖德明在職數
月為兩公廟記而不於庠序非所以風勵學者也謁
於太守徐侯守丞李君文伯而作堂祠焉既成屬
某記之則招諸生而論之二三子廬於斯壅於斯業
于斯進而拜先聖先師曰莫予云俎可乎不可乎不
可而莫予云續何也二三子盍思之淳熙年月日記

吉水縣近民堂記

大江之西督府外為州者十吉為大吉之為縣者八
吉水為大都鄙之表室廬之夥名數之藉粟米繭絲
之征視七邑兼之美其宰必秩高必才裕不然不惟
上之人不以界其人亦不敢自界也而新書之制其
高第不為御史為六院其不輕而重昭也邑之大
選之艱用之而士大夫頷曰毋為吉水吉水不可
為其信然耶清江某人江西彥士也文行之懿名實
之孚卓如也謁吏部將吉水或其止之曰毋庸往某
人笑不答既佩印彼欣然曰上至於吾夫子亦屑於
為邑不足行道於何行道則勤己以秩民癯己以
腴民朝之食午乃暇夕之寐丙乃即簡爰書緩垂令
屬年不登惻怛勸分大家悅隨若已之饑細民如婦

忘歲之儉邑之地旱且瀕大江三日之霖民憂為魚
辛丑五月雨下如晝夜無止某人顰以默禱是夕
小霽民異其誠邑之士民能文辭如陳杲鄉者如徐
徹者如王子俊者皆作為詩章以詠歌之既暮年政
洽民懌某人亦安其官縣署之西偏有堂曰五柳易
之曰近民以自勗其志移書謁予記其說予喟然曰
君之志則善矣君之計其不左乎哉今之為邑有聲
者棘則集事而君則否一左也健則稱能而君則否
二左也羸則速化而君則否三左也雖然無以左乎
彼無以善乎此年月日記

沙溪六一先生祠堂記

予門人永豐羅椿移書抵予曰吾邑之沙溪六一先
生之故鄉也有先生祠堂舊矣其左老子之宮曰西
陽者也其前崇公之墓也屋圯予老里之士陳懋簡
撤而新之其經為尺六十緯稱之為楹三十有六監
丞周公必正為大書六字以揭之而未有記之者願
介捧以請謁焉某曰是不記不可也蓋自韓退之沒
斯文絕而不續至先生復作而興之天下之於先生
知者否也若夫自唐末五代以來為臣者
皆以容悅而事君能以容悅而事君豈不能以容悅

而事讐乎忠言直節舉明主於五三以丕變容悅之
俗至於慶曆元祐之隆近古未有天下國家至今賴
之亦不知夫作而興之者先生乎自古是非予奪雖
聖賢不能齊也及其齊也雖聖賢不能易如三百年
之唐而所師尊者惟退之一人本朝二百年矣而所
師尊者惟先生一人何其齊哉舉一世而皆然或者
以一夫而不然者衆不然者寡不害其為齊也後
此百千年其皆如今日子未可知也至於然者衆而
不然者寡則可也先生可以無憂大抵賢人君子沒
而見祠者或生而不過者也先生其道行於時其學
行於天下後世雖不祠之天下獨不知有先生乎生
而無不遇沒而見祠此賢人君子之盛也獨先生之
幸也乎古者鄉先生沒則祭於社非尊夫鄉先生也
尊鄉先生所以儀後之人也若先生者天下後世之
師也豈寧惟廬陵之鄉先生也天下師之而廬陵不
祠之可乎今吾州自郡庠鄉校皆有先生祠堂矣沙
溪實先生所居之里而不祠之可乎予見今世之士
其有所舉廢也或者有為為之也自眉山之蘇豫章
之黃相繼淪謝先生之徒黨無在者而陳生懋簡奮
然修斯堂而尸祝之其誰為也生而有為其不以此

而易彼乎楊某記

誠齋集卷七十三

誠齋集卷七十四

廬陵

楊萬里 廷秀

記四

樞密院官屬題名

中書樞密曰二府國朝之制也亦因也樞密之屬曰都承旨副都承旨曰檢詳曰編修在祖宗時都承旨則曾孝寬韓縝檢詳則王存劉奉世編修則顧臨錢長卿皆其選也中興損益至今日都承旨檢詳各一員編修二員蓋二十年而壁記未立今都承旨李公昌圖乃克為之屬某記焉士之言曰樞屬於宰屬異

劇與暇也暇者無事乎爾者樞屬無事乎爾耶無是
事無是官有是官斯有是事矣有是事則必事其事
事其事則不暇矣曰暇者無乃不事其事而強諉曰
無事乎事其事矣樞屬之職之乎未也等而上之曰
使曰副曰知院曰同知曰簽書曰同簽書其號殊其
建不並其為長式均也建其長又建其貳又建其屬
者何上之遺下之禪也下無以禪其上而曰吾惟事
其事足也可乎古者工以藝諫砥礪以士師諫工與
士師非諫職也然事君之誼有非職者乎無也而為
樞屬顧曰吾暇無事也否則曰吾事其事足矣否則
曰吾禪其上足矣至于事君之誼則曰思不出其位
又曰不如守官外乎此非吾職也然則古之工與士
師過矣豈惟工與士師孟子曰立乎人之本朝而道
不行耻也然則孟子亦過矣其然乎不然吾徒獨得
而不思其職也淳熙十三年五月十有五日廬陵楊
某記

劉氏旌表門閭記

朝請郎直秘閣權知吉州軍州事臣資言伏奉淳熙
二年十二月戊寅朔甲午肆赦制書其一條曰有孝
節義著鄉閭者令長吏以聞當議旌錄今安福縣以

狀曰稱奉議郎知袁州分宜縣謝諤及貢士李燧等
一千三百五十三人合詞言曰伏見貢士劉承弼孝
友天至文行粹美事親以至孝聞居母喪哀毀柴立
父病既死承弼籲天實絕願以身代父蹶然而蘇又
三十年乃終里人異焉叔父廷圭廷直繼策第太常
奉不自給承弼每絕甘分少以助之同產弟承弼受
業于雩都知縣劉安世既沒率同學制師服安福縣
令王祿丞劉穀死官下卧在地承弼為棺斂丞尤窮
至鬻幼女承弼聞之即庾其值鞠于家及嫁後已女
先丞女故相劉沆遠孫有女貧不能歸承弼亦任之

嘗屬年饑道

相望公私赤立承弼曰勸公分實難

請從我始率子弟倒廩賑之不受一錢富者子于是
翕然化之無復過糴活者萬數承弼所學彈洽江之
西湖之南士子輳集執經問學戶外屨滿環才雋士
小大有就承弼為文有古作者風直寶文閣王佐知
吉州喜士承弼執詩文謁之佐連招之則去已遠
矣佐太息曰劉承弼不惟能文亦復自重是此邦第
一人宣教郎劉清之嘗薦江西名士於轉運判官劉
焯以承弼為數人首承弼應里選嘗再舉于禮部報
聞某人孝行節義宜在旌錄誠如制書謹昧死以聞

事下比部禮部尚書臣權侍郎臣素員外郎臣端
臣言劉承弼直旌表門閭制曰可仍令長吏致禮三
年九月乙巳下尚書省尚書省下禮部禮部下吉州
州下安福縣於祈居前立綽楔門夾之以臺：西
有十二尺飾以丹堊執以嘉木云

范公亭記

廣德決曹椽官寺之子城之椒負東迤南有亭而
小若黝若奘若蒼若若翼斯擊若味斯張若紱服
魏弁之旋飾者范公亭也公之逸事孫莘老詩之江
彦章書之公有遺墨張君戒仲刻之趙君亮夫懋

德惜亭之圯作而新之圖與書來徵予記之當公伏
閣以死爭天下大事雷霆萬鈞不粟不折視大吏能
回天却日者蔑如也則為獄椽時抱爰書觸二千石
其小大難易何如哉士之言曰我將立朝州縣不足
發也立朝矣又曰我將俟其大者遇大事矣又曰業
已然如不聽何然則公之所易人之所難而况公之
祈難乎予見今之仕者一尉而歸則後車若干乘行
者立道旁不敢仰視公止一馬又鬻之步而歸幾何
不為今之仕者之笑也懋德乃能仰公之高風訪公
之遺跡新此亭以自見其尊之心躉矣抑嘗陰求幕

下士有能與懋德爭是非如公者否公固不可復得
使公可得抑嘗自視能不為當時之太守盛怒公者
否亭之作與否損益云乎哉

通州重修學記

通州固有學今太守監丞周公頌來作藩既拜先聖
周視厦屋雨雲穿束涌叢殘退而深念將欲作新
無所取譬忽悟曰四隣束修之間辭之則禮缺受之
則義缺流馳之於黃舍其可迺斷迺度迺陶迺斷迺
堅迺艘有殿有堂有齋有廊有門有墻有有檻有
籬有簷於舍菜孔時齋宿孔修子佩口誦言弦鏘

如有茁斯童有野斯塾旁招幽討靡不翔集邦之士
民靡不闡釋公移言於予曰子盍記之予復之曰為
我謝通州之士公之厚士亦劬矣士何以報公予聞
學者內而不外古也外而不內古乎故齊家而出至
於平天下自修而入至於格物出者止於三而入者
極于五內外之詳畧何如哉今有璞玉于此弗琢焉彫
焉則大不作圭小不作佩故身不可以不修也琢且
彫矣而脉理之不端瑕類之不瑩則玉人者工倍而
器無就故修己在正心理端矣類瑩矣良工視之曰
嘻碻也則裸肖而裡不揆故正心在誠幸而玉也非

礮也而主人惜焉莫之識則亦或毀於埴或捐於溝而已故誠意在致知又幸而主人有寶而能識矣聞其所以寶或能言其粗莫能言其精則亦淺之為知矣故致知在格物君子之學益如此何謂物其綱有三其端有四其典有五是物也天生烝民之則者非歟究而至之是之謂格學君用力乎此則自士而進於賢自賢而跋於聖替乎天下國家夫獨待于外乎哉士之報公不在此其將焉在月日某記

浩齋記

某所親安福劉彥與以書來曰先君子得伊洛之學于文之胡先生以浩名齋宦遊北南清貧沒齒竟未克就齋房之一椽其不肖孤得中追惟先志大懼實墜以貽前人羞懸鷄粹如銖積取餘以作新此齋于吾先君子故人也願記其成以假其孤光先君子尚有知其不御于九京矣某得書攝衣正冠端拜言曰某自少情學先奉直令求師于安福拜清繩先生劉公為師而廬溪王先生及浩齋先生俱以國士知我浩齋又館我每出而問業于清繩入而聽誨于浩齋一日問曰子見河南夫子書乎曰未也退而求觀之則驚喜頓足歎曰六經語孟之後乃有此書乎某今

也年六十有三矣師友零落殆盡道不加修德不加
進不但四五十而無聞而已然不虛此生者猶以
粗有聞於浩齋也吾與能承先志作此齋先生于是
為有後矣是可_不記或曰先生之浩蓋將天地之塞
今齋房乃爾隘耶某曰此已廣矣昔者先生名齋而
未屋也有問之以齋焉在者先生曰吾齋天地間無
所不在因指其書篋曰即吾齋也此已廣矣先生諱
建宜字諤卿登紹興乙丑進士第終官左宣教郎知
臨江軍新喻縣以奉議郎致其任淳熙己酉年閏月
十二日門人楊某記

高安縣學記

筠之負郭邑曰高安故無學舍惟有附于州學之西
廡一小齋房號_不而已矣今宰陳公_環作而新之
經始於己酉歲七月八日落成于今年三月既望爰
揭扁榜學子咸集且樂且詠有歎于列者曰塗巷尚
陋或曰棟宇尚庠或曰廩給尚窶予解之曰二三子
學在居處乎果在是茲塗之陋不陋于顏回之巷茲
宇之庠不庠于原憲之室茲廩之窶不窶于陳蔡之
厄彼賢聖者居之何如哉不然闢以九軌廓以千區
鐸以萬鍾于二三子之學益乎否也使二三子開一

卷之書于竹牖之下舉目而見堯舜孔顏屬耳而聞
金聲玉振潛心而得性與天道家焉而親其親官焉
而民其民國焉而君其君塞則淑諸身亨則淑諸世
于環堵子取之不既克然矣子雖微學舍何不可也
學職吳從周崔仁本孫天成謁予記之為書其說淳
熙十六年閏月二十有四日記

建昌軍麻姑山藏書山房

予同年何同叔謂予曰里中有名山曰麻姑者山
水之勝甲大江之西距建昌郡城十里所山自趾距
椒稱是道旁古松合抱皆二百年物瀑泉雙流若自

天而下有老子之宮曰仙都者枕山而居隨山之高
下為屋或云蔡經之舊宅與王方平麻姑邂逅之地
或云仙者葛洪煉丹之所其井故在而顏魯公記之
但云山頂有壇相傳麻姑于此得道則前之二說
乎否乎未可知也余淳熙丁未之春偶至山中為留
一月一日藤杖芒屨乘興孤往至宮之西纔數武間
見松竹羅植相得為林前對五峯下臨一水欣然會
心因嘆曰此地獨無喜事者結屋數椽上建小閣用
廬山李氏藏書故事作二山房使來遊者登閣覽勝
把卷倚欄顧不樂哉自是此意往來於懷雖去山未

嘗去山也後一年客襄逢今邦侯江君相語及之江
曰當不忘此其冬抵官下後一年郡事畢葺齋者飭
湊者舉後一年廼其地踐曩之言立屋六楹後贅
一室前作重霽乃閣其上月扉風櫺縹緲飛動若出
天半廼斷文本廼架廼積經史百氏訪之旁郡是度
是物道士李惟賓鄧本度相與効力春孟作之季而
落之談者以為山中盛事子盍為書之俾來遊者知
賢太守之大雅二道士之勞勩余曰諾為書其語江
君名自任三衢人恬退有守節用愛人不饒對傳不
事要結而獨於此不計費同叔方策第時年最少出

拜同年坐一坐皆屬目之余與之合而離、而合三
十七年矣今乃為國子主簿蓋其孤懷勝韻與山林
作緣也厚故身退而詩彌進位下而人彌高觀山房
之舉可以得槩矣紹熙初元九月望具位楊某記

柳州仙居轉船倉記

嶺澳惟柳厥土沙磔厥田磽瘠厥氓窶氣屬濁蒸
早暎重仍黔首艱食材官匱餽仰哺于衡董、靡羸
蓋其川元自衡而上厥水益淺厥瀨益險厥土益直
厥沿若激天沂若躡登米舟重遲暫進寸步
息退里許舟至鯉園膠而不前州家於焉廩於茲岸

徒旅請粟自此入郭復道山蹊犖确齧足棘茨留行
泥呻擔喘過信乃違人勸費倍險踰於磧估踰于糴
猗歟今侯都公曹公至無幾何旁詠傳如郭外十里
亭曰仙居瀕江之靡一葦可杭迺諭州隸我來自東
書笈衣囊不貸不庸吾以私人挈攜以從官僦之布
封識如故盍以召匠三十維艤往度也楹迺廡其前
爰爰米粟迺墉其環爰 斯屋隸奉周旋于陸于川
李州是經季夏斯成罔腹于官罔庸于氓師飲其逸
歌舞侯德柳山之名迺俠迺刻尚俾來者是式公字
宗臣曰冠其名誰其書之維同年生紹熙初元九月

望具位楊某記

新喻縣新作秀江橋記

秀江橋三大字 尚書謝公諤書也橋作於何時屬
役于淳熙丁未之冬僞功于己酉之秋也作之者誰
縣尹李景和邑士丁君南隱承奉郎謝君峴也秀江
故無橋舟子專波濤以為利過者病之茲役之興也
是歲江西大祲民菜其色提舉常平使者陸公沈以
聞詔行賑貸公奉詔昔事下二尺木書諭郡若邑旁
招鄉里修潔之士志於毗而肯力於公上者董之於
是臨江軍新喻縣之士民合詞以告于縣尹曰丁君

某可於是縣尹具書禮及門三請君既至與縣尹言
于常平使者曰饑民不加少而廩粟不加多將奚以
調官有不調之調則眊受不惠之惠謂宜如范文正
公興役于飢歲可乎使者曰諾縣尹及君與謝君屬
耆老而告之工正等六百人皆曰諾於是僦眊為工
造舟為梁遐道奔輳運木輓土日千其人剗剗舳舻
二十有奇于木之右載堤橋成沂而望者若鳧鷖之
泛清波而將翔也履而過者若鳥鵠之梁入漢而不
沒也於是眊之朽者果瘠者澤流者止而往來之濟
者視淵為陵視水為炭視驚濤為坦途縣人錄其役

謁予記之予曰是可書也今夫見冬涉者其心惻見
春涉者其顙泚然舟子專濟人之役而心不動焉或
利之也有司居濟人之位而政不及焉或牽之也士
君子旁觀動心而力不至焉或不位焉者也今陸公
庸李君李君位焉而莫之牽李君庸丁君謝君丁君
謝君不位焉而莫之辭丁君謝君庸飢眊利焉
而莫之怨夫惟飢眊利而舟子始不利夫惟舟子不
利而邦眊始大利然邦眊之利今之難乎抑久之難
乎今而不久邦眊之利其不復為舟子之利乎未可
知也後之人尚無忽紹熙初元十月二十九日記

直州重建壯觀亭記

儀真游觀登臨之勝處有二發運司之東園北山之壯觀亭是也亭居城之北三里祈曰城子山其山截然平陳望之若橫洲若長城若偃月岡阜靡迤二十餘里迺迎夫江之怒濤而東送之以入海北走長天蓋東平時兩京故道也亭之東有魏帝臺相傳魏武嘗自將十萬師臨江久不敢渡遂築宮于瓜步山而去亭立北山之椒居高視下江淮表裡皆立目中自城中以望亭中如見高人勝士登山臨水而送歸人也如仰中天之臺縹緲于烟雲之外也自亭中以望

江南之群山如紫駟綠駟競奔爭馳而不可繫也如安期羨門御風騎氣隔水相招而不得親也宋元章嘗官發運司迨暇則徘徊其上為之賦且大書其扁至建炎庚戌火于崇廬再葺至紹興辛巳又火于索虜雨簾雲棟翦為荒烟野草垂三十年惟人過者罔不慨嘆今太守左侯昌時作藩之數月因良齋先生謝公過運相與談斯亭訪遺趾披榛而上巋然獨存迺誅草茅迺屬二徒為存屋三楹為垣百堵前敞以軒後邃以檻肇自淳熙十六年之八月迄今之正月乃或葦不及汰庫不及陋無費于官無屬於民又種

萬松以遶其西北又菀桃李梅杏楊柳千本以入
其南谷儀真之士民登而樂之相與謁予記之且曰
吾侯秩滿將歸 天朝留之不可非使奉法循理
節用愛人至于待府庾溝壘訓兵戍虞揚彊夙夜畢
以力整以暇江海盜 悉縛致麾下奸慝跡熄不敢
竊發年穀薦登倍蓰它境因治之餘復此壯觀州人
旌倪再見永平氣象俾過之者得以揖江南之形勝
而起騷人之思比空神州而動擊楫枕戈之想則斯
亭豈特登臨游觀之勝而已哉願為特書惠我淮土
以詔予無止予曰諾哉紹熙二年四月六日記

吉州新建六一堂記

廬陵地廣而民衆以故其事亦繁其多士為江右甲
朝廷視邦選使其重視姑蘇雪州諸郡云紹熙元春

皇咨于相廬陵調守孰可于是莆陽方侯崧鄉
以侍從之臣薦聞首當其擇既抵官下之若干月教
條既給歲事既登士民既孚迨暇因與賓贊商略曰
是邦六一先生故鄉也而郡治寂無記焉非闕歟捐
布三十萬召匠視成官無祈預誅葺于郡圃之東三
瑞堂之左為堂七楹踰月而落之名以六一亦相益
公聞而贊之曰甚善名堂雖欲易烏得而易于是旁

搜先生之遺墨伐石刻之為屋居之又令永豐尉曹
及士子陳其姓者葺先生之先阡以存是邦之故事
以留先生之緒風以答士民之去思移書于某曰子
非先生之鄉子於先生獨無情乎記斯堂子獨得辭
其責哉某以書賀侯曰六一堂昔在潁今在廬陵是
非先生之志也乎然在潁之華屋今為荒烟野草在
廬陵之荒烟野艸今為 之華屋物之廢興天子亦
人乎先生之賢天下敬之而其鄉里不敬之可乎不
可乎當時敬之而后世不敬之可乎不可乎然則鄉
里之敬先生后世之敬先生人非天也蓋人者可

必者也然聞六一之堂其存永豐乎曰否不在永豐
其在郡治乎曰否然則敬先生者鄉里反薄而後世
反 欵人又不可必也先生之歿距今百有餘歲矣
堂之在潁者化為荒烟野艸矣而斯堂自潁而歸廬
陵何其神也非人也天也雖然使吾邦不聞今侯斯
堂其能歸乎然則天也亦人也既以為侯賀又以為
先生賀紹熙二年五月二十楊某記

楊誠齋集卷第七十五

廬陵 楊萬里 廷秀

記

建康府新建貢院記

金陵六朝之故國也有孫仲謀宋武文之遺烈故其俗毅且英有王茂洪謝安石之餘風故其士清以邁有鍾山石城之形勝故其地為古今之雄盛有長江秦淮之天險故其勢振南北之要衝地大才傑而官府事物獨庠且益顧可謂稱矧是澤宮古以擇士而公卿大夫是之自出而為屋才百其楹歲陲月隕至

者十人項背駢纒至緯葭為廬架以蒼筤風而驟至
偃僂遮 全文卷紹熙二年春三衢余公自刑部尚
書除煥章閣學士寔來居守幕府肇啓一新百為勛
勞疲懷于夙于夜仁聲義寔允洽毗庶文令武競兵
戎載肅靡故不葺靡敝不孚于九郡水順雪釋一日
庠序諸生秦晉等若干人充庭果以充庭果為請公
即命駕率屬往而相攸則見藩拔級夷棟折榱傾凜
凜將壓顧謂治中廖君侯曰斯邦斯士而延以斯廬
不湫隘否不簡陋否其宜稱否乃徹厥舊乃塗斯新
意匠是斷畫堵是度棟采崇、柱角奕、率視舊貫

益四之一考官有舍揖之有堂爰廊兩撫爰拱二掖
可案可几可研可席堂之北堦中間以南前後仞牆
內外有閑自闌之表緘封之司書寫之官是正之員
左次右局不彀不併會為關啓閉維時職誰何者于
此攸宅凡二百一十有二楹自堂徂庭自庭徂門自
門徂 皆覽其地士之集者霽則不埃霖則不淖經
始于是歲冬十一月八日明年春二月二十三日落
之公屬予記其役予諗于諸生曰公之于諸君不薄
矣今茲歲當大比諸君來試于斯蓋六軒長江以為
泓操三山以為觚以寫胸中王謝康濟之長策以答

鍾山草堂之英靈母撓母諫母諉母撫以母負余公
延佇之至意公名端禮字處恭具位廬陵楊萬里記
并書

泉石膏肓記

紹熙壬子九月十六日子以廢疾至自金陵因念平生無他好獨好泉石而故居乃土山安所得名忽鄉夫王信臣及其猶子林搜永新怪石以遺予予喜甚日子犯所謂天賜者亟召匠釘甃為假山友人王才臣見之譙予曰先生居真山而又為假山將誰給予笑曰予敢給人聊自給尔才臣曰有石而無泉非缺歟予偶思去假山三十步而近有一泉而堙即命浚焉泉冽以猛因接筒引之又于假山之前十步之間甃一小方池深尺廣五之泥與泉其深各半植以芙蓉雜以藻荇每疏泉自筒入地中伏之假山之趾仰而出于石罅開而激之則為機泉噴珠躍玉飛空而上若白金繩焉與假山相高開而達之則為流水其將至也若哽若咽若噴若叱然後湍然而上決而流而入于地其流有文其入有聲頃刻之間通塞萬變觀者四顧莫測所來予因生致小魚善游而喜浮者畜之池二十許尾先子後母浮而出也後者

不先夫先者若徐行後長者之為者予固異之其始
畏人不浮人至則隱于荷盤苻帶之下太則顯其後
漸與人習圍、洋、若與人為玩既而復隱若恥以
身供人之翫者予益異之予間以食食之每食至必
出久之若疑夫食之餌已者復不出予益異之因命
其泉石之上小軒曰泉石膏肓或曰膏肓之疾醫緩
之不可為後世乃有法可艾也予曰膏肓有法可艾
也泉石膏肓無法可艾也有艾可艾予亦可不艾也
一笑而書之明年重五玉隆病叟記

不欺堂記

吾友安福彭湛少初重趼觸熱走百有二十里訪予
于南溪之上臨而請曰湛同里人士曰槎江朱生知
微德全者嘗于先人乎從學湛與之同研席繙書策
于今二十年不啻矣德全之為人湛能言之申旦而
起丙夜而不寐其志未小也蓋將味詩書之芳潤而
不知芻豢之悅口詠仁義之洪瀾而不知江海之沃
日獵道德之具囿而不知雲夢之獲禽其志未小也
嘗服膺齋心乎范文正公不欺之言乃取以名其堂
敬介湛乞先生一言以記之上何謂而不涉下何濬
而不頤願納以為後學惠不寧惟朱生之福抑湛也

寔與被焉昭、之不揭昏、之不發先生其忍以否
對曰是學也吾也嘗從事于斯矣始乎謹獨終乎至
誠謹獨不盡乎人則至誠不至乎天自八聖兩賢其
畀也有器其承也有系不此乎在其將焉在舍是吾
不知所以告矣豈惟吾不知所以告八聖兩賢亦不
知所以告誠齋野客記

山月亭記

予昨日偶出山間入州府友人王信臣迓予于中路
約予過其家觀所謂山月亭者曰已旰未遑也詰朝
夙興出水豐門西走九曲謁親舊皆寂、門未啓則
反而南謁信臣門啓矣予入坐賓階有頃信臣攬衣
猝、而出是時風雨昏、渟淖沒膝予語信臣曰今
日遂有遺恨鄉也山月寧不遠五十里見我于圖畫
之中今也尺有咫乃隔我于風雨之外信臣曰先生
毋恨則前行導予徑其家繞出屋後折而左度修廡
步穹巘有亭若在天半掀然孤巉^者山月也予且喜且
喟者曰尚有遺恨已識王仲祖未見杜宏治所謂雲
端臺者安在信臣指前簷三十許武石欄崛起堦齒
層出者曰此是已而小霽欣然登焉直下百尺壁立
如削闐闐數十萬家如在井底下視膽掉遐矚神曠

乃知此亭面勢宅一城高絕之地無所與二其前峭
秀而邃蔚者青原也其左突出而翼截者東山也其
右首下而尻高者拜相山也其下橫厲而皎空者白
鷺江水也周覽未既驚風歛起林木叫呼水波怒跳
翻倒城市前山皆動諸峯相角清寒入骨不可復立
亟歸亭上予益喜且喟曰尚有遺恨今夕無月誠齋
野客記

李氏重修遺經閣記

遺經閣者渾之瀏陽李氏度書之地也重修者李君之
傳也閣之趾故在縣之南之傳所居之西偏成于隆
興甲申者之傳乃祖致仕君彥從暨乃父德廣也初
取鄒魯之諺以名之復為文以記之者蜀人施君淵
然少才也既扁之以三大字復與侍講南軒先生張
公數十人賦詩以華其紀者今待制侍講晦菴先生
朱公也歷年一終再厄鬱攸致政名歎曰災之攸興
不以其近市故耶淳熙丁未一日迨暇攜賓親若子
孫步自縣南而北至半里所得其地于太湖山之旁
幽邃演迤改築有日矣而父祖相繼以逝子之傳既
長刻意嗜學慨祖父之齋志未攄則又喟曰是閣不
建之傳不名為人子為人孫矣則惡衣絕甘圭積黍

累匪閣弗思匪閣弗洛匪閣弗為紹興癸丑始克落
之厥北正方厥廬高涼自地視閣歸在天半自閣視
地濬在谷底湖鼎三峰吾山相臺排宵爭高摩肩並
馳後先低昂互為崛奇一邑之勝無能出其右者牙
籤萬軸漆書萬卷是初是儲則又喟曰舊記及諸書
皆命代無價手作也新記微江西誠齋楊先生莫可
于是不遠千里走書介予門人安福劉儼以謁于予
予謂儼曰為我寄聲李氏子孫竹萬箇木千章橘千
頭田萬頃粟帛王金固不禁也世之遺子不以是遺
而奚遺今君李致政父子之遺爾子孫不于其貨于其書不既左且異

乎雖然不有以左乎彼不有以右乎此不有以異乎
今不有以同乎古矣子其為我賀李氏子孫之遭也
不甯惟李氏子孫之遭也亦為我賀致政君父子之
遭也甯惟致政君父子之遭也亦為我賀茲閣之遭
也致政君名作又淳熙甲辰遇東朝慶壽恩授迪功
郎致其仕德廣名曰南之傳字夢符蓋三世以學行
有稱于州里云紹熙甲寅閏月五日記

遠明樓記

予淳熙庚子之官五羊道西昌泊跨牛菴據胡牀小
睡思昏昏也縣尹季公垂簿公趙昌父傳呼而來予

攝衣躡履出迎坐未定二君曰先生欲登快閣乎予
謝曰幸甚即聯騎疾往是時春欲半憑欄送目一望
無際綠楊拂水桃杏夾岸澄江漫流不疾不徐遠山
爭出平野自獻視山谷登臨之時晚晴落水之景其
麗絕過之而公程駿奔不得久留匆、留兩絕句而
去至今有遺恨也後十年予官江東予之倩安福劉
介以書為言西昌佳士陳誠之所居距快閣不遠而
距澄江又加不遠然出門則江甚遠蓋闌闌居者百
餘室蔽遮其前有隨誠之者曰蓋樓其上既潰于城
呼酒有二三詩友落之開窗卷簾江光月色飛入几

席淒神寒骨便覺貝闕珠光宮去人不遠因攜山谷

語

扁曰遠明願先生記其說予許之未暇也予既退休

于居誠之挈小舟二百里冒春雨訪予于南溪之上
投贈予四六五七皆清峻邁往予讀之驚異外問快
閣無恙乎誠之曰江月如故而落木榮白鷗老矣因
跪而請曰先生于恂有宿諾願踐言予笑曰嘻吾為
子懼矣昔半山老人嘗與謝公爭墅公去我來應屬
我之詩是也又與段約之爭埭割我鍾山一半青之
詩是也今茲以子樓福快閣非城虎牢之策乎山谷
猶有鬼神嘻爭端自此矣紹興甲寅四月庚戌誠齋

老人記

吉水縣除屯田租記

予謝病免歸逃虛幽屏一日吉水人士王子俊等四百餘人合詞請于予曰屯田之為吉水病三四百年于茲矣十餘年來病之中又滋病焉蓋自唐宋五代以還吉水之屯田在一郡為加多而其租為已重乾道淳熙間郡白于朝請官鬻之而更為稅晦于是租之為斛者二千一百三十四有奇屯田之重租則去矣而上供之常數自若也淳熙之十五年天台陳君咸孫來長吾邑未及下車亟請府極論其本末守以其說上之部使者部使者上之地官方是時吉之守王公謙賢也張公叔椿鄭公汝諧相繼為部使者亦賢也地卿趙公彥逾邱公崇葉公翥又賢也故君之請不壅于聞乃紹熙之三年越五月十二日制詔執事其悉蠲之命下之日百里之民如痿起行懽聲丕同升聞于天願先生詩書以詔罔極以毋忘諸公之賢以永懷聖天子之德予曰諾哉紹熙四年秋七月十一日記

邵州希濂堂記

予謝病免歸僵卧空山與世不相聞者今三年矣故

人邵陽史君潘侯燾獨不我歎遺千里遣騎蹟門移
書請曰邵故濂溪先生舊治也治平四年先生以永
州治中攝來若稽壁記不書爰諏故老皆無在者燾
欲求其學道愛人之遺風以範焉而不可得獨潘公
興嗣誦其為治精密嚴恕隱然有當於吾心乃即治
之西偏因屋之廢者闢而為堂命曰希濂聽訟于斯
讀書于斯退食游息于斯晦庵先生聞之喜曰精密
嚴恕未有合而言之者也合而言之尤有意味此非
近世所謂儒者之政漫漶以干譽者也子于此當深
發矣因為大書三字扁之堂上惟老先生精微之意

微潘公疇能發之微晦菴疇能領之微先生疇能記
之予賀侯曰甚善然亦難言也苟以精譎似密刻似
嚴弛似恕而皆非也去其似而非者則得其精微者
矣抑使請大之老先生不云乎聖希天賢希聖士希
賢侯之希濂希其四也盍充其四以上達其三希之
大也希其四而已矣希之大乎哉予聞侯之為邵其
政而悉明而能容惠而民畏大丞相益公倡諸臺以
其最上聞矣蓋其治源有自云紹熙甲寅九月晦誠

齋記

譚氏學林堂記

零陵譚氏世儒其業至今郢州郡博士始策上等者
世選其名勤之其字也勤之兄之子知言年二十有
四嗜學明經有司以秋賦之溢員選試太學知言再
在選中嘗築一堂叢書于間絕甘屏葷而以詩禮為
膏梁捐綺抵縞而以文史為襟帶去絲遠竹而以簡
編為笙鏞問堂名于艮齋先生謝公、大書學林以
扁為楣又問學林之說予予則訊之曰此班固說之
語而黃豫擷之于論學者也子嘗觀于高山深林乎
堯、乎其陟而彌峻也蔚、乎其眺而彌廣也窈、
乎其陟而彌峻也子也入焉將奚乎根柢乎榮華乎

曰根柢哉予曰子入學林亦若是而已矣而其峻也
其廣也其邃也又有甚于此者焉有義理之林有文
辭之林有聖賢之林有名爵之林由于義理入自聖
賢此根柢之林也由于文辭入自名爵此榮華之林
也學者亦孰不曰吾將根柢之求而不榮華之求哉
然咀義者其滋澹餐文詞者其味腴蹈聖賢者其塗
悠趨名爵者其徑捷子能不誘于腴不厭于澹不勤
于捷不墮于悠則假道義理之林有日矣不然腴與
澹戰于口悠與捷戰于心吾懼榮華之勝而根柢之
之負也文詞之詠而義理之荒也名爵之嚮而聖賢

之備也向聖賢而備名爵苟不至向其必至乎爾也
向名爵而備聖賢雖不止其向亦必至乎否也子將
欲入其林願聞其向知言字養正紹熙五年十二月
具位楊某記

友善齋記

大學之士有東吳張堯臣以道者精于文工于詩其
為人賢而靜介而能穆予初識之于友人張功夫坐
間未知異也一日以道訪予談學問講詩文雷出而
水湧且請予賦寒綠軒之詩予怪而問之曰偕寒互
綠此天隨子杞菊賦語也子也方與四方九州之英

傑戰得失于賢科之中于寒綠奚焉以道曰曰先生
之所謂奚取堯臣之所以深取也予始驚而異之因
為賦之予既謝病退休于居自念平生若許子紛
然與百工交易者自此遠矣後一年功夫不遠二千
里遺予書以道亦因之遺予書予發書笑曰野人無
以供人之求以道亦豈有求者乎而其書辭乃曰堯
臣嘗愛孟氏之書曰一鄉之善士斯友一鄉之善士
一國之善士斯友一國之善士天下之善士斯友天下之
善士以友天下之善士為未足又尚論古之人堯臣
有一齋房名曰友善願先生記其說以迪其衷以就

其學子曰善一也今子欲友善則猶二之也蓋有有
其善者有友其善者有其善者彼之所謂善士者也
友其善者子之所謂友彼之善士者也子謂有其善
者善乎友其善者善乎今夫東鄰有千金之璧我將
假而觀之其得觀與否未可必也可必也璧猶彼之
璧也而况不可必乎子盍以彼之璧為子之璧則夫
所謂善士者友之可也不友之亦可也是則友善之
善者也是孟子之所望于子者也

福榮堂記

紹熙五年隆慈備福皇太后聖壽八十乃春王三月

皇帝鳴和鸞備法駕 爽夙興星陳天行朝于慈福
宮奉觴上千萬歲壽是日壽皇拜前皇帝拜後嘉王
又拜後四世重慶三宮驩浹怡愉如也緝禮告
竣慈顏有喜皇帝若曰有昊博臨克篤宋祜我王母
受茲介福施邦家予一人敢專嚮之其錫類介賚以
及人老惟臣若士若民父母高年者賜爵有差于是
太學生員吉州泰和縣進士臣胡箋父臣諮封迪功
郎致仕母歐陽氏孺人贊書寵嘉命服淵曜邑里交
賀親族相豔乃扁其中堂命曰福榮以侈君賜蓋取
諸贊書語也維吉之胡其先肇自王季避地寔來其

別有三若資政殿學士忠簡公是為值夏胡其伯祖也若諱衍策慶厯六年第仕至朝奉大夫者是謂太和南城之胡其祖仲也若箋之父子是謂黃漕之胡其祖季也伏而未騫沿而未昭其昭其騫不在箋乎惟諂里居有賢稱嗜義若渴而箋也允迪其教用勵其業將以樹其家而光其宗與九州四海之豪英角其能于上庠而屢書于月成焉繫皇上錫類之恩配于丕天曷云報稱不在移所以孝親者以忠于君乎君家資政忠簡大忠高節動天地貫日月師之則是其勿曰吾家子雲而外求焉則幾矣豈惟報其君亦

惟報其親三月既望楊某記

誠齋集卷第七十六

廬陵 楊萬里 廷秀

記

五美堂記

安城歐陽巨卿無他嗜好獨以為善最樂擇地而趨擇仁而里見一善思與之齊聞一善喜而不寐有二子長曰成務次曰成文皆幼而警敏長而俊茂旁招儒先授以經學勵以文行深念父子責善則不可不迪以善又不可一日掃溉其所居之堂之前家人子莫測其何為則手種雙桂于其地二子相顧喟曰

昔晉人自喻以桂林一枝今家君兩之其指不欲才
我伯霜仲雪與晉人爭長而競秀耶良齋先生謝公
聞而嘉之為記其事且舉王氏種槐之意以攤張其
說以假歐陽氏光以策勵二子考德進業以顯揚乃
父巨卿燾後遺趾之遠謀予得良齋之文讀之因署
其紙尾曰王之槐歐之桂巨卿之積善二子之繼善
良齋之樂善一記而其五美成務兄弟欣然相賀曰
右偏一堂未名今偏以五美其可則復介予門人劉
儼來請曰成務與弟成文蒙被先人彝訓夙夜繫遺
是懼先生不以兄弟為不可教教以五美先人不尚
有知也不甯惟兄弟受其福先人實並受焉願更乞
一言以終其惠予答之曰五美之說昔者嘗聞之子
產復聞之仲尼子產之五美諸侯會盟事也非學者
事也學者之事可不尊仲尼之五美乎能尊仲尼之
五美斯兼予之五美矣儼曰先生之惠歐陽氏不既
大矣乎聞一五得三五聞三五得一五成務字幾先
成文字昭先幾先嘗以文字與計偕昭先郡嘗舉堪
應童子科其學皆進而未止者也紹熙五年十月日
楊某記

庠于黨序邠州重一家猶有塾所從來者古矣邠諸
國也暨學獨無慶厯間天子有詔乃造有造自某侯
始也然草創之初相宅不諦誕真至囂湫獄左庠右用
遷于公門之外南東其地乃惟亢爽自濂溪先生周
侯始也後百餘年興壞靡常陰陽者流實汨陳之易
置他所既易而復自胡公華侯始也地則復矣而度
閣塞門峻級塞塗非其舊也磳峻而夷徹蔽而通繩
迂而直大成之殿御書之閣講習之堂或造或因祭
門直廬從祀之廡肄業之齋庖福垣墉皆一新之于
是盡復濂溪之舊自今黃侯沃始也經始于去年冬

十有二月一日竣事于今年春二月十日是日侯與
治中陳君岐郡博士劉君祺率諸生釋菜于先聖先
師退走書來請記其後萬里復于侯曰侯之再復學
宮以還濂溪之舊將止于復其家以還其所遷之舊
地乎將不止于斯而已也如其止于復其宇遷其地
而已也記之可也不記亦可也如其不止于斯而已
也其為萬里稔邠之學者曰盍以其所以遷遷于善
以其所復復其性上也安其遷毋易其地省其復毋
隳其宇次也儒家者流之不戒陰陽家流之不禁無
次矣

龍潭書院記

以山下有回

水匯而為潭紺縹冷冽寒入人骨相傳有龍過者神
聳俯者膽掉故總而命之以龍潭書院云歲招名師
日集良友與其子弟講學肄業于士之自遠而至者
常數千百人誦弦之鏘燈火之光簡編之香達于鄰

曲其子弟服食仁義沉酣經訓往、多為才良

往歲之人常介子猶子壽森來謁予記之予曰諾哉
以臂痛未能也今復來趨余聞有龍者頷有珠聖

門其猶龍乎泳其涯必航其源攀其鱗必探其頷故
得其夜光明月者為顏為曾為伋為軻得其璣璫者
為琴張為牧皮得其瑟、者為漆彤哆公良孺廖

氏子弟可不懋哉異時廖氏子弟有孝友忠信文行
名寔輝然照映于湖之南者予將賀其得珠也仲高
名仰之文伯名天經良齋先生謝公評其伯仲為材
進志士其父諱彥修字敏道嘗為陽朔主簿月日楊

某記

羅氏萬卷樓記

羅氏皆豫章別也其在于晉君章以文鳴降及五季則有江東公今廬陵之羅其後也出凝歸北門東四十里而近為完塘之羅自武岡公以泓澄演迤之學蘄刻卓詭之辭第建炎進士其族遂鼎盛由完塘西北五十里而遙為印岡之羅自鄉先生天文以詩一經為三舍八邑之師其子若孫若曾孫以經術文辭

第進士者七人其薦于鄉者何數至今遂為士鄉家章甫人誦弦也而印岡西南三十里而近為東西塘之羅自長者長吉始聘師友闢齋堂房訓子弟今垂五十年矣而獨未有聞焉長吉之族德元有孫敬夫子聞其避俗入山築樓叢書萬卷旁招儒先以範以模敬夫幼失所怙每月之吉定省其母夫人外即往山齋晨晷宵膏忘寢廢食紀覽簡策日誦萬言追琢詞章月禿千毫以書來請曰宗孔刻意願學而未得所以學敢問聖涯奚而可航聖門奚而可階予復之曰服餐仁義菑畬經訓學也誦數訓故摘豔文辭亦

學也薄陋藏修游談空虛亦學也擇于斯三者在楸
之而已大抵族姓之盛衰或以為數其然豈其然乎
譬之田焉水旱數也勤惰數乎當武岡公天文先生
之未作完塘之羅猶印岡之羅印岡之羅猶東西塘
之羅也今二氏之羅獨殊于東西塘之羅夫豈數
乎哉夫豈不以人乎哉使敬夫而為印岡完塘之羅
是亦印岡完塘之羅而已豈惟印岡完塘之羅而已
果能楸焉後出益可畏晚發愈可仰豈惟印岡完塘
之羅而已敬夫與予叔父叔姪皆親也予以隨牒倦
游四方晚乃識之樓下有堂曰醉經曰遠俗曰嘿曰

南曰北云

隆興府重新府學記

慶元二年夏五月癸未隆興府府學教授陳君朴與
在學諸生合辭移書于予曰豫章學宮景祐肇造治
平遷焉火于建炎而復于紹興誰其復者丞相趙公
于是兵荒之藁殘糶菜有廟養士有學然僅草創
時則葺而未周後人承之歲增年培于是面以櫺星
申以戟門大成有殿御書有閣橫經之堂入直之廬
靡不具體時則周而未賁歲在乙丑侍郎李公乃新
殿宇歲在庚子侍郎張公乃立都門既屋老而地講

堂最久則最先圮新斯堂者樞使王公之為也齋久
房久則又圮新斯齋者樞密黃公之為也殿宇久則
又圮重門久則又圮新斯殿斯門者今帥蔡公之為
也公以天朝法從之貴一代正人之望輟自天邑來
帥吾邦未及下車首謁先聖顧瞻踟躕則見殿宇將
壓兩序窘步櫺星戟門相距有咫于是喟曰曾謂夫
子宗廟之美百官之富乃誕寘之隘巷乎于是市地
斥墾召匠屬役殿宇腐矣乃撤乃新櫺星褊矣乃拓
乃擴戟門隘陋矣乃易乃崇翼以二門凡其出入廣
厥一序增之四楹端委度左犧象度右費不于官于
學之庾工不于市之庸執朴不于吏于學之職
厥市之緡二千四百有奇厥工之夫八千五百有奇
以章計二千五百有奇者厥木也以隻計七萬三千
有奇者厥瓴也昔歲之季夏經之而落之以今歲之
暮春高明爽塏美興孔碩可百年不騫不墜也是可
不記是非先生誰宜記予復之曰公所以新斯學之
指乎二三子^智及之矣二三子抑知公之所以新斯
學之指乎二三子入自櫺星若至闕里趾于戟門若
覲孔明瞻彼睟容若侍燕居詠彼春風若聆喟嘆去
聖人之門若此其未遠也近聖人之訓若此其甚也

盡退而日三省吾之所以心得而身充家蹈而國達者孝與忠與仁與義與得之心矣充于其身者反否焉而謂得于心者可乎不可也充之身矣蹈于家而達于國者反戾焉而謂充于身者可乎不可也去其所不可以就其所可二三子何負于公不然公何負于二三子公名戡字定夫莆陽忠惠家也詩不云乎維其有之是以似之公有焉

喚春園記

新喻縣南五十里而近有鄉曰臨川其山深秀其水紺潔東西行者未至十里所則望見一峰孤聳如有

人投筆于太空至天半翔舞翻倒而下至地躍而起卓爾而立其附豐而安其穎銳而端又如有入卧地仰空醉持翠筆而書青霄也故里之人名之曰卓筆峰云士之居于臨川者皆爭此峰而面之面之者衆而莫有正焉者面之而正焉者惟士人周仲祥之居焉然餘皆不然不然者皆仲祥之為嫉仲祥不懼又加貪焉又築一山園于居之旁其求多于此峰未已也一日介吾止友之子劉庭杞繪畫其所居與園與此峯以來求予名其園且記之予歷指以問曰彼園之山椒有亭翩然其上如張蓋風中勢欲飛去有

掣而止之者何曰此靜庵也彼山之趾有大屋碧瓦
朱慶風屏月櫺閣其上而齋其下學子往來操琴枕
書口吻鳴聲者何曰此用德之堂右以進修之齋左
以醉隱之軒而冠以繡經之閣也彼園之植高者雲
倚卑者地覆纖者葺如茂者幄如丹者素者黃者碧
者畦者沚者又紛然如時女之出闈闈酣遲日而拾
瑤者何曰水者蒲蓮陸者卉木也予嘆曰又多乎哉
仲祥掇此于懷袖多矣而園亭卉木之幽茂盛麗復
如此其取諸造物不曰又求其寶劍乎予恐造物者
亦將仲祥之為嫉、之者不寧惟臨川之士而已園
之景名其一遺其百則兼總而名之曰喚春蓋取之
劉夢得之聯句云仲祥名瑤喜教子好賓客良齋先
生謝公為記其堂亟稱其賢其一子某未冠以秀警
誦書如流倒峽下筆翩、有可愛者其筆峰秀氣鍾
美于是乎韓宣子曰周禮盡在魯矣慶元二年十月
五日記

委懷堂記

宣溪王介甫淳熙癸卯訪予東山之西南溪之北與
之語如江吐月如山出泉如珠走盤也蓋其家自察
判公旁招明師多取端友儲書三萬卷無日不討子

若孫立于庭而訓之于承家之不易樹身之孔棘我
有方策汝其耨之我有師友汝其範之故吾州世家
言子弟之秀且良有文而勉于學必曰宣溪之王如
价卿者豈非所謂王氏之秀且良有文而勉于學者
耶使予不敬之不愛之不可得也父兄之教其端使
然哉他日遺予書曰維藩于人間世之所好者未嘗
不望、然去之至于欣、然樂之者皆人間世之所
不好者也偶讀淵明詩至委懷琴書之句作而曰此
維藩之心而出于淵明之口者也敬以名其肄業之
堂願徼福于先生乞一言以記其說且作三大字以
扁其上予為扁之未暇記也今日皮仲文歸自宣溪
首跽而請曰价卿委懷之記先生忘之否肯為作之
否乎予笑曰東坡先生不云乎詩債隔年而後還予
逋价卿之債今十年矣其可不作乎哉其可忘乎哉
其可使催租人徒手復命乎哉

趙氏三桂堂記

國朝皇族之英自拔于綺襦金貂之林而爭衡于秀
孝文儒之圃者豈少也而六世業儒三世中文科者
亦往、如麟之角兼此而趾美者其惟少師惠國良
公之一門乎試冠延和頌獻聖武仁宗皇帝是以有

務學秀出之詔宗學方新經術首選英宗皇帝是以
有文義異等之擢學洞詩禮傳釋孝經神宗皇帝是
以有究厥微言之褒至南陽侯傳惠國之業以訓其
子正議公感父之訓念祖之業耕獵種績溢為偉辭
儒先推表厥聞允焯遂中紹興戊午之科正議公又
傳南陽之業以訓其子徽州公且曰吾以武階易為
文臣汝今未官可不吾續徽州于是鑽礪覃思繼我
先烈遂中紹興戊辰之科徽州公又傳正議之業以
訓其子亮夫亮夫以訓其時侃時俊二子皆以文詞
薦名而時侃遂中慶元丙辰之科是歲六月時俊來

為吉州戶曹掾攜徽州公書遺予曰彥恂愚不肖不
能大先公之門惟是世業一卷之書六葉授受不敢
汙萊嘗礪諸孫曰汝黨世科當為議作三桂之堂今
不踐言用克用勸先公之故人惟子者盍為我記其
說用光前人子獨能辭子報之曰自晉人以桂林一
枝自况相傳至唐乃以策第禮闈謂之擢桂歌于杜
氏之詩今君家擢桂三世可不謂衣冠之盛事矣哉
抑君其懋諸子諸孫以君家一卷之書且一卷之書
未易知也顧所用何如耳收科發身一卷之書也惟
忠惟孝以維城王室磐永國祚俾宋萬嗣復無極則

君家子孫久大閱遠亦與宋罔極六一卷之書之也
顧所用何如耳惠國諱某南陽諱某正議公諱公稱
字顯正議公累治劇郡紹興間平治天下晚守京
口獨當辛巳虜寇之鋒其功不細未報而沒至今屈
之云

贛縣學記

贛縣治之西南祀孔子故有廟學則未聞也後廟亦
廢其地入祥符宮皇祐二年縣宰王君希即舊址作
新廟即廟廡為學舍至紹興庚午火于叛卒後六年
予為州戶掾武夷陳君鼎元器為宰盱江黃文昌世

永為主簿一日二君約予登覽縣學之址則槿棘生
之瓦礫翳焉二君慨然欲復之未能也後四十二年
黃君之弟文嵩來為宰其治明而寬惠而能繼期年
民馴其教條而樂供其貢賦公上既終乃斥其贏為
錢百萬攝守黃侯渙復佐以五十萬中峙大成之殿
繚以七十餘區之房講譜席有堂入直有廬肄業有
齋東西有序庖湍有所肇脩胡篋繪事從祀百爾文
物彪列一新釋菜之容觀者起敬弦誦之聲聞者勸
學屬役于紹熙甲寅之季春而考成于仲秋黃君走
書來請予記其成予復之曰子之兄不幸亡也予之

畏友也。然是學也。子之兄嘗有志矣。而莫之就。天下之事。因則易。造則難。今子能造而新之。其不曰難乎哉。子之兄之所難。而子之所易。其不又難乎哉。事之難者。子既易之矣。事有至易而人反難之者。子抑聞之乎。贛之為邦。其山聳而厲。其水湍以清。聳而厲。故其民果而挾氣。湍以清。故其俗激而喜爭。長民者曰。化之難也。予則曰。化之易若之何其易也。彼其挾氣。獨不可因之。使果于義。彼其喜爭。獨不可因之。使激于名。若之何其不易。且百年之間。如楊行先。如孫介夫。如李先之。非贛人乎。非名義之君子乎。使崆峒為淵。章貢為山。曰贛之士。不復有斯人也。其孰曰不可。不然而曰。斯人不復有其孰曰。可顧所以因而使之者。何如耳。然則因而使之。奈何。謹庠序之教。申之以孝弟之義。斯道也。因而使之之道也。非乎。長民者。獨不聞之也乎。故曰。因則易。異時有磊落光顯于朝。以名義聞天下者。其必贛之士也。夫其亦子之教也。夫予老矣。其猶可得而見也。夫。

廣漢李氏義概堂記

予自少從紫巖先生。父子問學。則聞先生同郡有君子。為李其姓。發其名。浩然其字也。讀書不為空言業。

文不為義刻譬如農夫耕以忠孝而種以仁義視君以親以仕不仕而忘其慕視人以身以莅不莅而異其惻君寔恥之予私竊敬焉後班于朝見蜀之賢士大夫益衆問以所聞則又益詳成謂君在辟雍奏疏論靖康之危報聞而歸可以已矣君則喟曰苟可以報國吾何愛焉紹興丙辰之旱傾家以食餓者太守不以聞天子不得聞可以已矣君則又喟曰吾志在及物吾何求焉乾道二年則又旱又行之如初三年又旱又行之如初太守不以聞天子不得聞可以已矣君則又喟曰吾自為善耳吾何懈焉如是者三十餘年矣五年則又旱又行之如初蓋毗之樗而舖瘠而腴瑾而蘇者至是枚數其人至二百七萬一千三百有奇斛計其粟至一萬四百六十有奇于是里之毗且怨且譁相與謳曰我有耆老李君粥之我有俵髻李公穀之孰旌李君吾尸祝之是歲之冬廣漢新奉守余侯時言至止聞而恟曰州有斯人而壅于上聞咎在予則以其事上于部使者轉運使趙公公說亟以聞宣撫使樞使王公炎又以聞後宣武使薛公良朋又以聞後轉運使王公璠趙公不息又以聞孝宗皇帝嘉之曰尔以布衣居于下土乃因年飢多

十餘年矣五年則又旱又行之如初蓋毗之樗而舖瘠而腴瑾而蘇者至是枚數其人至二百七萬一千三百有奇斛計其粟至一萬四百六十有奇于是里之毗且怨且譁相與謳曰我有耆老李君粥之我有俵髻李公穀之孰旌李君吾尸祝之是歲之冬廣漢新奉守余侯時言至止聞而恟曰州有斯人而壅于上聞咎在予則以其事上于部使者轉運使趙公公說亟以聞宣撫使樞使王公炎又以聞後宣武使薛公良朋又以聞後轉運使王公璠趙公不息又以聞孝宗皇帝嘉之曰尔以布衣居于下土乃因年飢多

所全活仁心義槩徹于聽聞乃錫贊書官以九品時
乾道九年閏正月九日也于是君之名一日布海內
君既拜上恩則扁其堂曰義槩以侈君賜後若干年
君之孫寅仲以奉大對剴切第甲科佐著庭史成增
秩復請于朝願移榮于君太上皇欣然曰孫知尊祖
聯之所嘉再贈承務郎然後里之毗怨者懌譁者息
謳者默今年三月寅仲以書及圖抵予曰義槩之堂
先祖名之未易作也重惟先志其可弗承茲堂其可
弗築端策面勢得其址于先人敝廬之側西山之旁
盖一再終乃克有就復閣其上扁以尊祖執事嘗為
賦詩今不為記其役以此誰諉則諾而書之其高三
十有九尺廣倍之深三分廣二之閣以尊奉兩朝之
贊書君像在焉群賢之詩則刻石堂上慶元三年上
巳日記

玉笥山重修飈馭廟記

惟泰元尊轉下土鞠萬生發有嘉亨罔有札瘥豐楙
顛粟罔有捐瘠怡愉熙罔有哀籲是惟皇、后帝
之心然高居霄極下視豪端或闕兩間或壅聲聞則
有伯強猶狂崇降威虐我民于是乎有癘疫之眚虛
懸支初僭賜逆降我民于是乎有燬糶之眚我民披

肝為紙滴淚到泉叫閣排雲將焉攸訢惟天一乃必
有名山大川之神代天臨徹帝省挈攜陰機蕭勻民
莫孰弄疾威睽閃睂眄孰曠孰墊孰噫孰欠孰遂厥
燄聞而藥之膏之濯之淪之流之燔之收之駕彼飛
龍乘彼白雲秉靈旗提青萍搗訶百神詰誅萬祇惠
鮮我民會歸和平迪民之康樂帝之心惟大江之西
吉之吉水出縣北東六十里所鄉曰某鄉山曰玉筍
廟曰颯馭者帝心所倚民命所寄其不在茲或曰西
岳華山之神離宮也或曰吳史君雲儲之神受后帝
茅土于茲山也初名雲騰自唐之天寶神所命也今

曰颯馭自皇朝之宣和徽皇所賜也上沂章貢下沿
洪撫旄倪奔、農商、士夫欣、相踵于途胥會
于祠彼以祈年此以祝釐弗捨弗營惟頌惟粢祝史
致告如鼓答桴隕祉山則疵厲不作霖霖時敘婁豐
孔碩潦反其壑火息風寂頻年泰和我民舞歌則相
與視廟踈罅誣其壞隕某殿某室某像某服是建是
築是葺是縮于瓦于木于堵于屋昔故今新今煥昔
塵匪神我勤繫我答神用永賴于我民其費出于里
之人其倡之者予友生鄉貢進士曾三異云慶元五
年十年既望通議大夫寶文閣待制致仕楊萬里記

楊誠齋集卷七十六終

廬陵 楊萬里 廷秀

記

隆興府奉新縣懷種堂後記

奉新人士王模素去非將仕郎曾商英移書合辭來請于予曰先生宰新吳曰大帥樞密武夷劉公嘗請于朝為民除僑田之害邑人德之作懷種堂以祠之先生記之矣今又有記者蓋自紹興經界既行民田既正惟是田之在官其名曰營者皆地之幽遐疇之汙萊民之荒棄者也于是官無日不討其民強而授

之曰惟種惟糧于我乎取惟犢惟耒于我乎貸惟繇
惟更于爾乎復厥田畝賦米斗有半厥土畝賦泉六
十民咸利其薄征始耕競焉其後議臣建白鬻之于
是民之田此田者以泉仇官以田業已不省其害也
吏言于官曰新田之賦不當夷于民田之賦于是兩
稅二役繭絲貿易為粟為帛舉重其估易而為泉民
之輸者其費視舊十百始不堪命民僉訴之邑謁之
州州諏之吏吏曰不可今明府張君瑄未及下車究
知民之甚病者在此力謁之州其不可益堅于是君
孤憤不勝欲解印綬挂縣門去模三人舉幡倡邑民
遮留曰寧存民病勿失賢宰今請不可何知後終不
可耶後有賢帥與賢宰意合則必可已矣未幾龍學
尚書廣漢張公來帥豫章君欣然曰吾幾妄去今謁
不行則去不妄矣即重謁之于公公欣然行之吏猶
爭曰不可公一不聽于是田無故新均曰民田賦無
抑配均曰正賦然後新田之民為戶一千有九十歲
者舒凋者蘇疾者除舉以手加額而相賀曰微吾宰
張君不能爭吾民難爭之賦微吾帥張公不能從吾
宰難從之請是可不夫書特書以侈張公莫厚之惠
以慰吾民無窮之思願先生記焉模三人者當與邑

之民繪公之像與劉公同堂社而稷之前劉後張文
武忠孝則人相若師長慈惠則政相若剋磔疾苦則
事相若兩公玉立二碑對峙式永厥垂其不淵曜先
生雖欲辭將何謝予謝曰其何敢辭或曰兩公除民
之害則同然而孰難予曰劉公易也張公則難尔且
事有欲為而不得為有得為而不欲為不得為者在
上我欲為之我能言之爾行與否在我乎故曰難劉
公是已今張公行之自我不行亦自我上無執旁無
牽顧我不欲耳我欲之何難焉曰惟其得為亦得不
為是以難為何也以新田用舊賦捐州家十百之利
其細賈官其大價勲何謂不難或曰張公似非難也
留此以遺張公者則難也併書其說以答三士慶元
戊午人日具位楊萬里記

靜菴記

宋中興以來自高宗及孝宗及太上及今上四聖御
極七十有四祀臨軒策士凡二十有三得人衆矣不
可得而詳已惟我大江之西有一族而叔姪同年者
一時豔之以為盛事若予與故叔父麻陽令諱輔世
是也有一家從兄弟同年者若予族叔祖忠襄公之
二孫曰炎正曰夢信是也有產兄弟而同年者若吾

州之印岡之羅曰維藩曰維翰蘭溪之曾曰天若曰
天從是也有父子同年者若清江之徐曰得之曰筠
是也至于父子有後先異時而同登甲科者誰與故
資政殿學士參知政事清江蕭公照臨紹興十八年
甲科第五而其子景伯又以淳熙十四年甲科第四
名治奕葉第^名趾美其又盛矣哉中興已來一家而已
景伯收叔科之年蓋孝宗之季王道邳隆之時也如
唐之正觀開元如本朝之慶曆元祐而景伯以卓詭
切至之言上當聖心臚唱之曰參政以疑丞侍玉座
觀殿上傳呼其子姓名景伯既出班再拜謝恩畢參
政自帝左右趨而下文石復再拜謝恩自宰相侍從
百官及在廷之士皆咨嗟歎羨予時亦以省試官待
罪廷中目覩盛事謂景伯十年鳳池名位視其父有
過之無不及者後十四年予既以衣冠挂神虎門上
而景伯方為國子博士兼史官遺予書曰達嘗讀易
竊有志于靜之一字則以名其所居之草庵以自儆
焉敢請先生一言以記之予復之曰在易貞雷而其
悔山以靜靜動之義也故其卦曰頤頤者養也貞山
而其悔雷以動動靜之義也故其卦曰小過小過過
也知以靜靜動之為養又知以動動靜之為過則靜

之道得矣然聖人猶有大戒焉何戒也頤戒在初小
過戒在上然則靜終不可動乎曰靜而不動可以動
矣慶元六年五月日具位楊萬里記

張希房山光樓記

永豐石井張氏秀民相望磊磊也昔乾道間文仲武
仲弟兄好義喜賓客治樓觀築園囿與往來士大夫
行樂其中文仲之樓命曰霽月武仲之樓命曰憑虛
皆求名于余而予命之也今垂四十年矣客有自石
井來者予必問二樓無恙否為我寄聲樓中風月客
曰霽月故無恙憑虛今為烏有先生矣予每歎息歲

月無幾何而物之廢興乃尔其速也客曰憑虛雖廢
而武仲有賢子良師字希房者種學擷辭尤工詩句
即其舊址作新一樓靡汰昔字靡遁今覽字前有嶼
嶼上有葩嶼外有泚泚中有蕓泚外有疇巽若博局
疇外有溪橫若羅帶是皆未足為樓中之偉觀也因
出袖間一圖予披而視之則佳葩美木繁藹爭發秀
色奇奪目芬襲人予為驚喜客曰未也客以右手卷
其軸而左手舒其繪樓隱、浸沒而葩草亦翻、退
藏忽有萬峯橫空起立適者如黛遐者如黝濃者如
溼澹者如無銳者如筍卓者如屏跳青躍碧呀雲喻

霧或白而來或背而去或偃而倨或僂而揖或奔而
追或凝而居予不覺眸子眩晃應接不暇客曰某之
來也希房九頓首奏記願徼福於先君試仲敢請先
生名此樓且記其後予曰韋蘇州之詩不云乎鳥啼
山光夕古今絕唱也命以山光可乎客謝曰幸甚年
月日具位楊萬里記

音 贛道院記

贛之為州控江西之上流而接南粵之北垂故裏嶺
一路之兵鈴而外提二境之戎昭其地重矣邑十而
大疆袤而阻物夥而昌其事叢矣民毅而直小誣必

見于色小伸即釋可以義激亦可以氣而慝其俗古
矣地之重事之叢俗之古故視邦選侯比他郡惟艱
慶元五年前尹直祕閣郎中三山彭公改帥五羊皇
上命祥刑使者華文大卿雪川俞公兼領府事蓋弄
印不畀者將暮逮十有一月以畀今尹右使舍人括
蒼張公、來之初延見士民覽觀風謠愛其質直信
其無諛則籲其耆老而諭之曰而之所大欲將母在
於父母妻子之相安乎將母在於衣食飽溫之不匱
乎將母在於刑憲訟繫之無麗乎皆對曰諾公退而
喜曰謂贛民未易治者皆謗吾民者也即表聞于上

曰凡厥^有生性皆本善又曰若先以小人而待人豈古者良吏之為吏斯言一出十邑之民以手加額家傳人誦楮生毛穎其價十之于是一令無出出而必承一政無行行而必傾無改民勇勇於孝弟無息民爭爭于耕織年穀大穰盜頌頓清而贛之未期年治聲以最聞焉於是一府之督郵從事皆賀公曰公之表詞人始而未信中而信且疑今罔不信矣非夫人之信于公而公^之信于人非夫公之信于人而公之信于心也大哉心乎以政化者操木之柱以心化者以抱名嚮公笑指其燕喜之堂曰非此燕喜之堂吾州之道院也賓皆曰然遂易其匾曰章貢道院而以書屬予記之則書其所聞以復之公名貴謨字子和知與予友善今二十年云庚申十月十八日具位楊萬里記

湖北檢法廳盡心堂記

鄱陽忠定張公參政孤忠大節霜潔^清玉潔在廟堂而百官聳在邊鄙而四夷服在出處而萬民仰蓋紹興名臣之弁冕江左人物之泰華也由令望之生氣凜凜故其典刑文獻衣被子弟傳襲宗族如漢韋平如晉王謝家芝玉而人鳳麟今湖北憲臺檢法官張君

瀛其群從之仲季也以達學懿文拔竒輩流早踐世
科趾美續聞方當聖上體天大德蹈舜好生妙選虜
使桂林唐公為祥刑使者又差擇語掾如君者以賓
贊之而諏律焉退之所謂志同氣合川泳雲飛者不
在此其將焉在君于今年某月某日以公解久敝撤
而新之于其東偏作一燕坐閣其上而堂其下扁其
堂曰盡心蓋取諸禮經刑成之戒也不遠千里移書
謁記于萬里曰瀛不佞生也後仕也遐願一就先生
之下風而無由然幸與先生之季子為寮于斯將有
請于斯斯堂也斯名也瀛竊願學于刑成之君子焉
惟先生進之某復之曰盡心于刑其戒在禮其說在
易易之中孚曰君子以議獄緩死夫議獄云者將議
而入之與抑亦出之與緩死云者將緩之而求其死
與抑亦求其生與而君子之孚于中而誠于心者知
之矣此盡心之說也昔于公之陰德其慶在定國歐
陽崇公之仁其報在六一先生君子遲之若君之盡
心者今蓋稀矣空桑不云乎豈若吾身親見之哉惟
召楸之嘉泰元祀十月望具位楊萬里記并書

秀溪書院記

安福縣之南三十里而近有秀溪者十里而九縈凝

為天鏡涌為車輪行為齊紈魯縞之紋激為金篲玉
磬之音人士周奕彥博居其上築館臨之命之曰秀
溪書院講經有堂諸生有舍叢書于間旁招良傅以
訓其四子曰伯紀承勛伯仍大同良齋先生聞而嘉
之為大書四字以署其堂焉彥博來問于予曰奕也
聞先生之于後學勿之有拒焉爾矣蓋有不可教而
教未有可教而不教也蓋有未嘗問而告未有有問
而無告也奕將俾諸子之學繫理義乎或曰若是哉
其左也今之仕者非此其出也繫文辭乎或曰若是
哉其沔也古之學者非此其入也願先生櫛張謝公

大書書院之旨以啓其衷予對曰子之言皆是也抑
漢高帝所謂公知其一未知其二者也我今告子子
以為聖人之經君子之學端奚事乎道之以人之理
齊之以人之綱如是而止耳綱焉在曰親曰君而止
耳理焉在曰孝曰忠而止耳故動天地貫日月通神
明聞金石表四海範百世莫大乎忠孝昔者孔子嘗
謂古之學者為己矣欲知古人為己之學此其是也
曰左可乎若夫學文者孝弟之餘力也修辭者主誠
之宅里也故四教首文黎獻先言昔者子張嘗學干
祿矣欲知今人干祿之此學此其是也曰沔可乎將

由夫或者前之說乎是木植而劓其抵也將由夫或者後之說乎是穀茹而訕其耘也子于斯二者惟勿後乎子之所先者勿先乎子之所後者勿訕其耘左者其不右乎勿劓其抵洿者其不隆乎子盍于孔子子張而問之乎彥博嗜學而強記經史百氏靡不綜貫云伯紀承勛妻以詩學首選于膠庠餘皆競爽嘉泰壬戌人日通議大夫寶文閣待制致士吉水縣開國伯食邑七百戶楊萬里記并書

醉樂堂記

吾州歐陽氏皆率更之苗也率更之葉五傳者曰琮刺吉州子若孫遂焉琮之葉又八傳者曰萬宰吉之安福其子若孫家于吉者派為三支一支為永豐之歐六一先生是也一支為廬陵之歐近世詩人伯威是也一支為安福之歐今奉議郎賜緋魚袋紹之是也紹之自未冠在縣庠弟子員中已斬然角立讀書五行俱下試文屢中甲乙至鄉舉輒不讐乃拜王父父藤州史君門子之命非其好也四轉而為永州錄事參軍于是年四十有九矣慨然太息大丈夫不為風翮九霄之鵬則當豹隱南山之霧耳安能作韓退之判司筮楚之酸語乎昔朱買臣曰吾年五十當貴

本作閏月望記
忘官銜

吾亦曰吾年五十當隱于是上書北闕願致為臣挂
其冠即日自駕柴車歸安福東門外秀峰之由麓開
三徑墾九畹垣一圃栽千畦晝爾于行宵爾于營某
所高寒亭之榭之某所深窈沼之沚之某所演迤花
之竹之其芟其蘭尸祝靈均其菊其松尚友淵明其
石其泉佳招遊岩日與方外之士觴咏其間乃作一
堂奄有萬景揭以醉樂師我醉翁堂成與客樂之客
曰醉翁之樂不在酒而在山水之間子之樂何如紹
之笑曰我醉欲眠姑俟他日紹之名似得謝今十年
矣嘉泰壬戌閏月望通議大夫寶文閣待制致仕吉
水縣開國伯食邑七百戶楊萬里記

永新重建寶峰寺記

安福之南垂永新之北際介乎其間有山孤秀其高
五千丈其袤數十里遠而望之儼乎如王公大人弁
冕端委秉珪佩玉坐于廟堂之上使人一見而敬心
生焉近而視之澹乎若巖壑幽人被薜荔帶女蘿餐
菊為糧紉蘭為佩呼吸日月揆掌雲烟使人一見而
塵心息焉故老相傳其名曰萬寶峰云距山不遠有
浮屠氏之宮曰寶峰寺飲山之翠納山之光領山之
要里之人樂游焉而樂之尤者槎江居士朱君諱戩

也始遊而愛其幽邃所而來夕而返超然有會于心
久而忘歸既而惜其棟宇之壞墮浸漉欲葺而新之
蓋心許而未之言也一夕夢至某所若道家所謂小
有天者其地瑤玉其厦金塗其浸芙蓉其林多羅其
禽頻伽其獸狡狴其人褊袒右肩其眼珠琲孔翠往
往或跨龍鳳以為馱或坐茵茵以為牀駕雲騰空超
忽變化須臾山川草木異彩炳煥皆若金色光奪人
目霍然驚起因悟曰茲非予之心許而未言者耶則
倒橐台匠斲山取材為殿為堂為寢為廊為門為牆
為囿為像樸斲堅好瑀飾備具金碧有爛鼓鐘有鏜
市腴田以業其生賈度牒以世其徒遂為佛山佛宮
之冠至其子良肱再繼葺焉近歲戊午燼于鬱攸其
孫知微知廣復一新之焉于是壞之蕪者雍基之窪
者夷級之缺者甃宇之燎者立像之亾者補尺榱寸
甍舉非其舊惟數古佛及政和間一大鐘而止耳里
人縱觀耆耆者喜其復穉者駭其麗遠者賀其新寺始
葺于紹興之甲子再葺于紹熙之庚戌一新于慶元
己未之仲冬後先之費為錢百萬云既成知微介予
倩劉億來謁予記之予喟然曰天下事患莫之倡
之矣患莫之繼然士大夫之家而祖而父倡以術業

繼以荒嬉是亦繼也有能如知微弟兄之繼其父祖
之志者乎無也抑請大之其明年四月十一日通議
大夫寶文閣待制致仕楊萬里記并書

長汀縣重修縣治記

閩之為郡八孰難理曰汀汀之為邑六孰難理曰長
汀曷難乎汀曰其山峭岼其川怒湍其民悍堅曷難
乎長汀曰汀為閩尤長汀為汀尤天台謝君周卿佩
印組一之日顧而嘻曰地固險易險易在氓，固悍
愿悍愿在政爰整紀綱爰究源委以肅乎氓者肅乎
躬以繩乎胥者繩乎理先是邑以鬻鹽為田外之賦
盜以餐錢為俸外之給君曰非令甲也則却而諸之
于外府迨暇巡行邑居周視牆屋問其門序傾西墮
東問其闔扉上兩旁風問其帑庾戶蠹壁空初而戚
既而懌曰不有外府于是畢捐所却之布為錢萬者
百迺市松石迺陶甌甃迺屬匠役門序鼓樓之屋若
千區皆因故為新園扉之屋十有二區帑庾之屋十
有四區皆以新易故又以其贏為燕息之所其肇造
者曰釣臺曰村莊曰靜節之祠亭曰森爽閣曰蓬萊
其更造者曰琴堂曰偃室曰槐堂匪棘匪紓若卷若
劬期年僦功無糜必藏無聳民聽霍然山出煥然霞

湧君子謂是役也一舉而三善具矣費而不費捐以
所却取疑從舍受疑從辭不曰潔乎不知其賦視其
贏不知其野視其庭不曰敏乎事輯而民不疚役不
迫而功就不曰惠乎仲尼不云乎惜哉不齊之所治
者小嘉泰三祀二月庚申具位楊萬里記

瑞蓮齋記

吾邑之士蕭君季隨弓冶祖考襟帶詩禮耕獵陶楮
士之良也少之時徒手持一泓暨一中書君步入吾
州萬鵠袍之場其聲藉甚也已而曰是不足為歸而
適其光遣其子異負笈遠從侍郎張章公學焉其文

曰進士友推服歲在戊午其子肆業齋宮之前池中
生蓮一莖二葩章公聞之日煉耿、祉哉為之兆矣
是秋有司薦異詣太常又上異之子應雷可博士弟
子員章公喜曰吾言其有合哉則大書瑞蓮齋三字
以遺季隨季隨乃遣異來謁予記之予曰章之所謂
瑞其止一蓮而已乎將不止于一蓮而已乎予聞蕭
氏之先其種德百年至季隨遂有聞焉不曰瑞乎至
異又有聞焉不曰瑞乎至應雷又有聞焉不曰瑞乎
抑予猶有以楸焉者而家在唐曰瑀自遇持國秉者
八葉茲又瑞之大者予欲而家之子若孫襲八而九

可無楸乎抑予猶有以擇焉者瑤之忠復之直瑞也
嵩之貴倪之達亦瑞也後之瑞瑞于而家者也前之
瑞不惟瑞于而家者也予欲而家之子若孫襲八而
九可無擇乎嘉泰甲子燈夕後二日具位楊萬里記

山居記

山居者待制侍郎雪川沈公賓王之居也賓王之居
不于其山于其郭而曰山居者癖于愛山也人各有
癖武子癖于馬賓王癖于山郭居而名以山居以見
愛山之意無適而非山也賓王胸次灑落如風櫺月
牖韻致清曠如雪山冰鑑身居金馬玉堂之近而有

雲嶠春臨之想職在獻納論思之地而有灞橋吟哦
之色家本道場何山之麓也而世居吳興之郭非有
好也爰即其居小築一室其廣三楹署以此名客有
過之而笑者曰君子之宅有二有晏子之宅有庾信
庾子林之宅晏子市也今子之宅晏也非庾也而曰
山居嘻甚矣子之愛山也抑亦居則有矣烏覩所謂
崑崙哉問其戶外則康衢之埃也那有青壁之倚天
問其墻東則唐肆之區也那得千年之秋氣問其極
目則黃公之壚也那得飛泉之漱玉昔羊叔子有鶴
嘗矜其能舞一日客至求觀公為出之竟斃斃不能

舞令子之山居將無類羊公之鶴乎賓王笑曰子知
笑吾之無山而有山不知吾亦笑子之有目而無目
也吾嘗仕于江西章貢之憲幙矣又嘗守天台矣又
嘗守會稽矣翠浪玉虹丹邱赤城若耶雲門千巖萬
壑至今磊磊皆吾目中也今吾此室之前怪石相重
相松竹支泉流相輝其巉然者非崆峒天台乎其森
然者非雲門禹穴乎其冷然者非瀑布簾泉乎吾居
無山吾目未嘗無山子目無山吾居未嘗無山開禧
乙丑六月既望誠齋野客廬陵楊萬里

楊誠齋集卷第七十八

廬陵 楊萬里 廷秀

序

施少才蓬戶甲稿後序

蓬戶甲稿者吾友生蜀人施淵然少才之文也吾讀
其文稿乎其無文也又取讀之則庾乎其有文矣讀
其詩杳乎其無詩也又取讀之則琅乎其有詩矣無
文與詩今人以不嗜則宜有文古詩古人不嗜之耶
嗜與不嗜非施子之所欲知也吾獨有歎焉悶焉而
不以覲市焉而不以亟施子之為人則然詩文云乎

哉則其窮也亦宜吾蓋喜而悲之施子而不窮于子
當不喜而窮也吾又奚以悲吾不以悲夫施子之窮
而以悲夫窮施子者也斯入也有斯文也有斯詩也
而有斯窮也非夫窮施子者之為悲而誰為吾以悲
之而彼又何辭焉藉曰不受則吾為妄人矣吾妄則
施子又大妄矣施子妄也與哉不妄也與哉吾不妄
也與哉吾妄也與哉施子之於此道也勤矣亦且至
矣吾猶有以為施子贈勤而安而後思不疲至而忘
其至焉則詞泰矣思逸而詞泰則古之人其去我遠
者乎抑近者乎既以為贈亦以自贈紹興壬午秋九

月五日書

送蔣安行序

王道熄禮義廢夷狄闕以肆欲天下不胥而移者否
也伊川之民被髮以祭君子已憂其戎漢之君志荒
而妖夢是踐吾民始夷乎言祝乎首以為好此五胡
耶律之先驅也非乎五胡耶律之禍亦烈矣吾民不
創而顧樂之哀哉人固自智也而樂禍也則無所主
有所悞焉無所主而求道是故無得于實而有得于
妄有所懼而畏死是故妄之中又滋其妄焉死生之
故鬼神之情狀聖人不知之耶而不以訓憂乎妄之

勝也佛之說曰生幻也死而禍福實也無有而有無此其妄宜不待智者而後知也然不待愚者而後信也何也智者疑中人疑信半愚者信乎爾疑也疑信半也則于此塞其哀信也則徼以福其親矣不者家者詈里者讟矣嗚呼夷禮而親焉讟之大也夷俗而身焉亂之大也然下達乎細民而上通王公大人安焉于讟且亂而不知惡也豈皆為之者之過與抑有所不欲為而不得不為與不詈于迫而讟于怵者幾人也佛足道哉求夫特立獨行舉天下非之而不顧者又幾人也佛足道哉吾誠悲之零陵之士蔣安行

其家故貧喪其親哭踊葬祭甚禮零陵之人不稱孝焉問焉則曰佛無所禱也安行聞之若未始聞之也嗟乎不能于王公大人而能于匹夫其賢否何如哉而零陵之人云者人病乎安行病乎佛之行乎中國幾年矣佛之俗將狄乎夏矣人之聞于古也弗絕而絕矣而安行毅以守如此天下之大曰無安行乎聖人者作因天下守者之心明先王中正之道而禮復于古言異有禁術異有誅以攘佛者之妄而謂天下不復于先王之治不可也吾既于安行乎嘉之而又以深有歎焉知我罪我吾敢知乎哉

送郭慶道序

萬里老母病肺且二十年謁醫于江湖徧也大抵夕
痊而朝發萬里有憂之來零陵聞人士有郭慶道者
于醫無所不工召而視焉發藥一二而去初服食之
未始有藥也未幾則未始有病也他日問之曰鄉也
饋藥一何少也而其功一何緩也然初緩而卒不緩
焉又何術也慶道笑曰醫不必言也且子以多貴乎
則淝水之役符堅法當勝謝元也且子欲已病乎欲
常藥乎威文之霸不數年而成也而敗亦稱是三代
之王者皆百年必世而後興醫身之與醫國異不異
也天下之人惟其無所挾也也有所挾則必有所成不
于其成之待而于其初之貴夫其初者不可見也而
其成則不可禦世之人忽其不可見以敗其不可禦
者數也醫不必言也萬里聞其言欣然有會于吾心
為書其說以贈之隆興元年三月一日廬陵楊萬里
廷秀序

送王才臣赴秋試序

予退居于南溪之北涯三年戶不閉而無客未嘗掃
迹而出無所于往間一出則遇鄉里之達官要人鳴
呵傳呼則又匿草間以俟其過乃敢行及所至或逢

商有無議什百紛如也聞子來則泯默罷去若燥溼
若調酸醎至于時之所指以為迂儒寒士達不多于
子而窮不少于子者則往一日來而月不去晨坐則
際夕賓主面有飢色而談有餘味人不惟以嗤居者
亦以嗤來者不惟人之嗤也子亦自嗤且自惑焉謂
子與人相同于無相同則後之稱奚以合謂子與人
相異于無相異則前之稱奚以睽使子不惑而不得
也最後得王生子俊才臣者其于古聖賢書一見便
領其妙下筆無俗下語亦不之彼而之此生其有以
哉居數月告予以行曰將試于有司願請所以贈予

曰生之是行志于得科目而已也將其志不止于得
科目而已耶志于得科目而已也則生之挾時之說
生之鬻時之售有餘也科目足道哉其志將不止于
得科目而已也則予欲不言得而不言耶上之不置
乎士士之不遯乎上生以為為何等事耶靜則道動
則功出處語默世則儀之天地人物身則福之是之
為也場屋之文夸以價驚麗以媒欣抑末矣是之為
也士之言也曰我將先之末繼之本嗟乎本以先猶
末以繼而又末以先者耶是故為士者植其初用士
者計其終不敢士不與焉蓋曰姑以是取之云尔古

之人不達不摯不見場屋之文其士之介與摯也與
介之辨若吃也摯之惡若微也于賓之賢若否也無
繫也士之愚良繫不繫于場屋之文哉種玉者不礱
菽稗者不禾奈之何其以末先以本繼也生其得力
乎其所以植以堪乎其所以計則生之得科目非生
之得也上之人之得也介與摯乎爾夸與麗乎爾則
生之得生之得也上之人得也耶生紆也予于生乎
觀南溪楊萬里序

歐陽伯威坐辭集序

始予識歐陽伯威于傅彥博之座中見其揚眉吐氣
抵掌論文落筆成詩屈其坐人予敬之慕之私竊甚
媿自不如也後二十年聞吾里蕭岳英為子弟擇師
得爽人焉急往謁之則吾故人伯威也方吾二人相
識時皆年少氣銳豈信天下有老哉予既涉患難鬢
髮之白者十二而風霜凋剝之餘落然無復故吾矣
伯威之氣凜、焉不減于昔獨其貧增焉耳不以增
于貧而減乎氣如伯威者鮮乎哉予因索其詩文伯
威颯且太息曰子猶問此耶是物也昔人以窮而吾
不信吾既信而窮已不去矣子猶問此耶已而出坐
辭一編曰子不憐其窮而索其詩子盍觀其詩而療

其窮乎予退而觀之其得句往、出眾妙而其力不遺餘者也高者清厲秀邃其下者猶足以供耳目之笙磬卉木也蓋自杜少陵至江西諸老之門戶窺闖殆遍矣他日伯威過我曰子真不有以療我之窮耶吾笑謂之曰窮之療與否可療吾與否吾且不吾及庸子及哉吾有一說焉杜子美李林甫謝無逸蔡太師四人者子以為孰賢伯威怒曰子則戲論也然人物當如是論之也哉予曰人物何不當如是論也當李與蔡之盛時天下肯以易杜與謝哉今乃不然爾然則子之窮姑勿療焉可也雖然窮之療如李焉如

蔡焉不既震曜矣哉杜與謝之窮至今未瘳也子之窮療焉亦可也杜與謝之窮則至今未瘳矣使二子而存肯以此而易彼乎子之窮勿療焉亦可也伯威曰吾當思之乃書其說以序其詩伯威名鐵吾州永和人也其族與文忠公同系其先策第者凡七人有曰中五者附入元祐黨籍其尊公彥美終于廣州經幹伯威事母至孝中書舍人周公子克愛其文行稱之曰奇士云

習齋論語講義序

讀書必知味外之味不知味外之味而曰我能讀書

者否也國風之詩曰誰謂荼苦其甘如薺吾取以為
讀書之法焉夫食天下之至苦而得天下之至甘其
食者同乎人其得者不同乎人矣同乎人者味也不
同乎人者非味也食稻糧吾猶以為澹也而欲求薺
于荼乎哉論語之書非吾道之稻糧而奚也天下可
無稻糧則是書可無矣雖然匹夫匹婦一日而無稻
糧死不死也死也一匹夫匹婦而已矣况未必死乎
然則稻糧者無之不可也一日而無之亦可也至于
是書一日而無之則天下其無人類矣非無人類也
有人類而無人心也有人類而無人心其死豈一匹
夫匹婦而已乎然則論語之書又非止于吾道之稻
糧而已也故學者不自五六歲讀之不見然讀之之
不遲知之之不早不以其食之而澹與食之而澹也
食猶不食也吾友習齋子杜門三年忘其為三年也
夫三年不為不淹矣杜門不為不幽矣忘其為淹且
幽也不惟忘之而又樂之問曰之則曰吾方論語之
讀而不百家之讀聖人之覲而不今人之覲是以樂
也始吾之讀是書也厲乎其趨若狂醒而不可世也
已凝乎瞻其若失亡而不可補也已今也勃乎其辭
其若決溢而不可窒也已于是筆之于書以其副遺

予予取而讀之欣然歎曰快哉是非所謂苦而甘者
與是非所謂淡而非淡者與是非所謂得味外之味
者與甚矣乎習齋子之于斯道其助若此其得若此
其發也予聞書與人必相變也書變則人矣人變則
書矣然讀申韓之書而不申韓者未始不加少讀孔
顏之書而不孔顏者未始加少彼之變也奚以亟此
之變也奚以舒願與習齋子評之年月日楊萬里序

送劉景明游長沙序

始予生二十有一自吉水而之安成拜今雩都大夫
公劉先生為師而友于劉子彥純一日彥純與客過

我客年甚少身偉且長舉酒百醖皆嚼呼叫大笑坐
上索紙筆為古文詞詩章百千頃言而就飄然不可羈
羈予驚且奇問之則劉其姓景明其字亦劉先生之
門弟子也自是定交居三年亦不自以為樂予既白
劉先生去歸其家日夕非彥純景明之為見于是始
悲已而予官于贛又官于永中間與景明遇者一再
今年秋景明訪予于南溪之上予與景明皆有服相
問則相泣相愬以皆失所天于是相弔當予與景明
居年少氣銳各未更事視天下哀樂泊如也豈今日
之弔之知哉嗟乎吾二人者自不相識而相友相友

而不相樂樂而離離而悲悲而不見見而相弔人生
之萬變慨乎其有感于予心也數日景明求歸予曰
子乎留也子與子八年乃一見今又去後當復幾年
乃見耶此生之八年者有幾使子與子皆中壽率八
年而一見則其見又有幾子不子留子猶子留景明
曰吾不幸家以學而得貧身以嫡長而責不輕吾父
之窀穸有期而所為窀穸之資者無期吾將道宜春
以之長沙以謁焉于二三故人者以佐吾貲予因賀
及之曰子行矣或曰初留而卒亟其行弔未既而賀
及之禮與予曰非禮也父病無學教子病無學教以

畀之學以慰之景明之貧也其不貧者多矣予是以
賀事親者不于其豐于其勤豐言物勤言躬也景明
之諸弟子未有立而景明是恃景明畢其力以送其
死而養其生不曰躬乎景明之孝於是乎大予是以
又賀景明之故人賢也而厚祿之為食見于貧猶將
勸于分而况為親而見耶其不勤乎否也予是以又
賀無或人之說無以發吾說吾無說無以為送景明
之說乾道二年八月日誠齋野客楊萬里序

送羅永年序

今年六月予歸自都下一書生夾謁予羅其姓椿其

名永年其字永豐之人也問其所以來則曰椿世吏也今去吏而儒是習過不自量其不肖來見麻陽縣尹達齋先生先生不鄙揖而進之以為可教是以在此自是與予相過歟且久而其文辭清潤日異而月不同駁乎進而未^止者也余甚重之歲且竟將歸覲省其母與兄來與予別且求予言予曰子歸乎吾言亦奚以為永年曰椿之命儒也邑之人悅我者之衆未若嗤我者之衆也得一言悅者信嗤者息矣予曰子之邑人嗤夫命儒者乎永年曰非嗤夫命儒者也嗤我之所用儒變吏也予曰然則嗤之所在在子不加多在彼者不加少矣且用儒變吏與用吏變儒孰可孰不可也用阜隸而變公卿者無之乎用暴客而變衣冠者無之乎用槓棘變臺池也用豺狼變父子兄弟也不惟用吏變儒而已也吾不以嗤夫嗤子者吾以悲夫嗤子而不自嗤者彼不病其悲子猶病其嗤何也乾道丁亥十二月望日序

送郭銀河序

予聞郭銀河妙于數其澹禍福多奇中其言於溪先生尚書劉公又其奇中之尤者也乾道戊子十一月二十日來謁予貌甚古辭甚辨如軒轅彌明之長頭

楚語也于十二子五運六氣言之如漢廷諸老生之
論治也如秦醫和漢太倉公之知病也予驚且奇之
與舊所聞無所不及而有加焉予問之曰子之技前
于人而子之貧亦前于人獨何與銀河仰而笑俯而
歎曰技不負予也予惟恐負技也惟恐負技故以人
狗技而不以技狗人其于人也无所迎而有所撻
以至于斯也然予之貧可守而予之守不可悔予益
奇之如銀河者其隱于技者與挾技者必有求求不
得則罪其技自技而之貧自貧而之悔自悔而無所
不之也不為此者希矣如銀河者其隱于技者與謹

序

送馮相士序

楊子午睡既覺意象殊昏昏也強取故書讀未竟篇
童子自外來云有客余急取其謁視之則永嘉道人
馮君君與予別四年別我時自言將上九疑歷蒼梧
以徧覽嶺表之山川與南海之波濤未返也忽至吾
門恍莫知其從既見驚且喜相勞苦無恙外馮君悒
然不樂問之則曰俗情益不古之似矣吾厭之吾厭
之吾將脫冠巾祝髮髻以去之子謂之何楊子曰子
知去俗以就不俗矣未知子之未俗以就俗也子以

佛之說者為不俗也叛父母搥仁義不俗者不為也
子以世之人為俗也文暢浩初比高門之炎以自點
其雲月泉石之身此為不俗耶子欲去俗以就不俗
正使文暢浩初之與曹猶將俗乎爾也文暢浩初今
可多也哉然則俗不俗果佛不佛之謂耶冰雪也塵
埃也孰潔孰汙也使冰雪之所棲必塵埃之地之為
擇則地之有冰雪者加少矣塵者自塵何與于吾之
冰埃者自埃何與于吾之雪子之俗不俗在子之內
耶在子之外耶子之所厭者外也非則無厭矣此未
可以言辭得也馮君憮然而應馮君名一德字貫道

涉獵書傳及唐人詩善言骨相予在衡湘中云其
言今湖南漕使者直閣鄭公最奇中以是名益聞因
并書之

